

Dissertatio The

de

DIDRACH  
CHRISTO  
LVTI

*Matth. XVII. vers.*

*De qua*

SVB PRAESIO

DN. SEBASTIANI

SS. Theol., D. P. P. Ordin.

Ecclesiastæ,

*respondebit*

M. MICHAEL

Argent. D.

ARGENTORA



---

Recusa ANNO M

Theologica

de

# SCHMIS A TO SO- TIS.

*vers. 24. seqq.*

*De qua*

RAESIDIO

ANI SCHMIDT,

Ordin. Templi Cath.

esiastæ,

*pondebit*

EL FRENTZ,

nt. D. M.

ENTORATI.



8.

---

O MDCCXXX.

CONFIDENTIAL


RECEIVED  
JAN 10 1964

CONFIDENTIAL

RECEIVED

JAN 10 1964

CONFIDENTIAL



## Dissertatio Theologica.

De

# Didrachmis a Christo solutis.

*Matth. XVII. vers. 24. seqq.*

§. I.

**D**E *Didrachmis a Christo Solutis*, Matth. XVII. v. 24. seqq. cum bono Deo aliquid acturi sumus. Ubi ante omnia præmittimus ex Evangelista, qui solus habet, ipsa historia verba: *Postquam autem venissent illi (Christus & discipuli ejus) in Capernaum, acceperunt οἱ τὰ διδραχμα λαμβάνοντες, ii qui didrachma accipiebant, ad Petrum, & dixerunt: ὁ διδάσκαλος ἡμῶν οὐ τελεῖ τὰ διδραχμα, Magister vester nonne solvit didrachma? Dicit: Ita. Et quum ingressus esset in domum, prævenit ipsi Jesu, dicens: Quid tibi videtur Simon? οἱ βασιλεῖς τῆς γῆς ἀπὸ τίνων λαμβάνουσιν τέλει; ἡ κῆνσον; Reges terra a quibus accipiunt vectigalia aut censum? ἀπὸ τῶν υἱῶν αὐτῶν, ἢ ἀπὸ τῶν αλλοτρίων; a filiis suis, an ab alienis? Dicit ipsi Petrus: ab alienis. Dixit ipsi Jesus: Ergo liberi sunt filii. Ne vero scandalum ponamus iis, ubi abiveris ad mare, ejice hamum, & primum ascendentem piscem tolle, & quum aperueris os ejus, invenies staterem. Hunc sume, & da iis pro me & te.*

§. 2. Variæ circa hanc historiam nascuntur Quæstiones. Præcipua facile est, cujusmodi fuerint didrachma, quæ a Christo exactores exegerint; & de quibus Christus cum Petro tam multa col-

ta collocutus, tandemq; solverit? In qua quaestione etiam præcipue solvenda versabimur: de reliquis breviter, antequam ad illam principalem perveniamus, nonnulla dicturi.

§. 3. *Quaestio prima est de Tempore, quando hac historia contigerit? Lightfootus* Hor. Hebr. in Evangelium Matthæi ad Cap. XVII. vers. 24. putat fuisse prope Festum tabernaculorum, & alii, qui statuunt, prope festum Paschatis contigisse, existimat, nasci hinc objectionem, non facilem admodum responsu. *Occurrit hic, inquit, non facilis admodum responsu, hac obiectio. Tempus solutionis didrachmorum, erat circa festum Paschatos (Schekalim cap. 1. bal. 3.) At longe jam elapsum erat id temporis, appropinquavitque festum Tabernaculorum. Responderi posset 1. Matthæum qui hanc historiam recitat, seriem & ordinem temporis non observasse, quod ei non in solitum: quippe qui inter omnes Evangelistas maxime historiarum tempora dislocet. At concedatur, ordinem historiae apud eum rectum hic & proprium; Respondetur 2. Aut Christum ad pascha proxime elapsum vix affuisse, aut si afforet, ob impendens ille periculum ab insidiis Iudaeorum non potuisse solutionem hanc prestare, eo modo, quo oportuit. Animadvertite ea, quæ dicit Ioannes. Paschate proxime elapso cap. VI. 4. Prope erat Pascha festum Iudaeorum; & cap. VII. 1. Post ista Iesus ambulavit in Galilæa, noluit enim amplius ambulare in Iudæa, quia studebant Iudæi eum interficere. 3. Non inusitatum erat solutionem didrachmorum huius anni in annum sequentem prorogare, illud urgente aliqua necessitate. Hactenus Lightfootus. Sed non video quare adeo se torqueat Vir doctus aliqui. Matthæum ordinem historiae hic observasse, ex antecedentibus & consequentibus apparere facile potest; maxime si reliquos Evangelistas conferamus. Incipit caput decimum septimum a clarificatione Christi in monte. Subjicitur bono ordine, quid circa Lunaticum puerum & partem ejus contigerit, quando Dominus de monte descendit. Sequitur v. 22. prædictio Passionis mortis & resurrectionis Christi, quum versarentur in Galilæa. Et tandem finito itinere per Galilæam, narratur, quod Do-*

minus

minus cum discipulis suis Capernaum venerit. Non video quid  
 hic in ordine desiderari possit. In capite decimo octavo subjun-  
 gitur quæstio de majori inter discipulos, dicunturq; discipuli  
*ἐν ἐκείνῃ τῇ ὥρᾃ, in illa hora accessisse ad Jesum.* Plane consentit  
 Marcus cap. IX. licet nostram historiam non habeat. Postquam  
 narravit historiam Clarificationis Christi & pueri Lunatici, v.  
 30. subjicit; *Et inde exeuntes pertransverunt per Galileam.* Pergit  
 vers. 33. *Et venit in Capernaum.* Eodem versu subjicit, quod, cum  
 Domingibi esset, in domo, in qua etiam fuit juxta narrationem  
 Matthæi, quum didrachma peterentur, Dominus quæsserit,  
 quid locuti essent in via: & fuisse ait quæstionem, quisnam ma-  
 xime esset; quam Dominus solverit, ut est Matth. XIX. v. 1. seqq.  
 Eundem plane ordinem observat Lucas cap. IX. à v. 23. & dein-  
 cept. Qui idem Evangelista refutat quoque vers. 31. opinionem  
 Lightfooti, & quorumcunq; præterea est, quasi procul abfuerit  
 à Paschate, & propius festo Tabernaculorum, quando Dominus  
 Capernaum ingressus est. Postquam namque in antecedentibus  
 narravit disceptationem discipulorum de primatu, pergit; *Fa-  
 ctum vero est, quum complerentur dies assumptionis ejus, & ille faciem su-  
 am confirmavit, ut abiret Hierosolymam.* Quæ verba sane ii quoque,  
 qui de instante Passionis tempore non interpretantur, de uno  
 ex paschatis Christi tamen accipiunt. Sed decipitur, ut apparet,  
 Lightfootus per hoc, quod putat hoc pertinuisse ad tempus, de  
 quo Iohannes cap. VII. v. 1. loquitur, quando Christum in Galilæa  
 circumambulasse dicit: tum namq; prope fuisse festum Judæo-  
 rum, scenopegiam. Nam non fuit tempus illud ante scenope-  
 giam, sed post scenopegiam. Post festum namque scenopegiæ  
 rursus in Galilæam concessit, & ex Galilæa in Judæam trans Jor-  
 danem, ubi prius Iohannes baptizabat, reversus, Matth. XIX. v. 1.  
 Marci X. v. 1. Ioh. X. v. 40. ibi commoratus est, donec a sororibus  
 Lazari vocaretur Joh. XI. v. 3. & Lazarum resuscitaret. Post quod  
 vicino paschate paulisper Ephraïmi commoratus, ibid. v. 54. 55.  
 Bethaniam cœdit, & Hierosolymam sub ultimum Pascha ingres-  
 sus est Ioh. XII. v. 1. 12. Ex his omnibus concludimus, paucas septi-

manas ante Pascha fuisse, cum didrachma a Christo peterentur : ut inciderit momentum temporis in illas ipsas septimanas ante Pascha , quibus extra Hierosolymam sicuti in usum templi sacrum colligi soliti sunt.

S. 4. *Questio Secunda est; quare Exactores didrachmarum ad Petrum potius, quam ad Christum, aut alium ex Apostolis accesserint? Quod prius attinet, hoc est, quare ad Petrum potius, quam ad Christum, accesserint? Apud Patres, Chrysostomum, Hieronymum, Theophylactum, Bedam, duæ deprehenduntur sententia: prior, quod reverentia causa non ausi sint ad Christum accedere; quæ quidem reverentia ex miraculorum magnitudine apud eos orta fuerit: posterior, quod malitiose potius ad Petrum, quam ad Christum accesserint, ut ex eo facilius discerent, num Christus tributum Cæsari solveret, & si negaret, occasionem caperent accusandi. Ex quibus prior Maldonato probatur. Fatemur, posteriorem sententiam nobis etiam parum placere. Nam non legimus in Historia Evangelica, quod ejusmodi infidias Christo struxerint. Præterea non dubitamus, quin Exactores isti noverint, Christum quotannis solvere. Quod vero quarunt, non est ignorantium, sed affirmantium. Notum enim est, quod interrogationes negativæ affirmare soleant. Et eadem usurpantur, quando cum aliquo in colloquium venire volumus. Dicere itaque ad Petrum volunt : Magister vester solet, ut scis, didrachma solvere ; quando quidem itaq; iterum tempus solvendum advenit, idem ab eo expectamus faciendum. Quis namque nescit eos, qui tributa aut pecuniam quamcunque capitationis exigunt, consignata habere nomina, ut quærere illis plane non sit necesse, quisnam dare debeat? Licet vero res sic se habeat, non tamen opus est, ut dicamus, reverentia causa propter miracula Christum non accessisse sed Petrum. Textus namque aliud nobis monstrat, nimirum Petrus erat extra domum; Christus autem intra domum: quando quidem Petrus in domum abiit, cum, quid peteretur, nunciare illi vellet: & intra do-*

domum quoque Dominus cum illo collocutus est. Quanquam non negamus, quod ex civili quoque honestate potius ministrum, quam Doctorem & Dominum accedere debuerint. Certe enim Christus in Capernaum & tota Judæa auctoritatem Doctoris habuit, & ab his ipsis Exactoribus *διδόναλ*, Doctor seu magister appellatus est: qui titulus in magno honore apud Iudæos fuit. Christus vero etiam cum Exactoribus istis non nisi per discipulum suum h. e. Petrum egit, cui dixit: *Accipe eum* (staterem) *& da illis pro me & pro te.* Quod non ex arrogantia fecit, nec sic interpretari poterat, quisquis modo communem cum aliis Doctoribus auctoritatem illi concedere voluit. Non itaque nobis displicet, quod Exactores bonis & amicis verbis cum Petro egerint, & per Petrum cum Christo. Hinc vero nonnulli concludunt; Ego non exigebatur census Imperatoris Romani, quem imperare solebant. Quod argumentum nullius momenti est. Nam Imperator quidem imperando imposuit: Voluit autem sine dubio, quod etiam humanitas communis omnium terrarum exigit, ut Exactores humaniter tractarent eos, a quibus exigent. Neque enim si Imperator imperat, infimorum ministrorum officium est, ut imperiosis, & ut sic dicam, Imperatoriis verbis utantur. Et quasi non eadē ratione contra hēmisclum templi argumentari possim. Nonne enim hic ab ipso Deo, qui Imperatore non tantum major, sed pro quo etiam Judæi majori Zelo utebantur, impositus & imperatus est? Iam ad posterius quod attinet, quare ad Petrum potius quam alium ex discipulis accesserint Exactores; brevis nobis est responsio; quia Petrus foris extradomum fuit, non alius quis: Vt alium aliquem non presentem compellare nequiverint. Inepti sunt Pontificii, quando aliquem Petri primatum hinc excudere conantur, quasi propterea ad ipsum accesserint exactores, quod eum nossent principem discipulorum. Sed *Maldonatus* h. l. coactus est fateri, alios ex discipulis Christi non adfuisse. Longe etiam modestius *Iansenius* in h. l. scribit; *Tributi autem hujus receptores pro magnitudi-*



*ne signorum Dominum reverentes non audebant ab eo repetere, sed discipulum conveniunt, idque Petrum, vel quodeis tum solus adisset Domino, vel quod viderent illum Domino magis familiarem.*

S. 5. *Quæritur Tertio: Quare Christus pro se & solo Petro, non autem pro reliquis discipulis didrachma solverit? Ex Pontificiis sunt rursus, qui aliquam Petri præ reliquis discipulis prærogativam emendicari conantur. Et frustra in subsidium vocant quosdam ex Patribus, qui referant factum, quod Petrus Apostolorum caput esset. Nam Patres licet Petrum non raro etiam alias Apostolorum caput dicant, & Principem: ejusmodi tamen potestatem, cujusmodi illi inde a Petro in Pontificem Romanum derivare conantur, nusquam assignarunt. Præterea referunt potius Patres sententiam, quam ut suam faciant. Ipse etiam Maldonatus non audet, plus quam probabilitatem sententiæ adscribere: Quare, inquit, pro Petro potius, quam pro aliis Apostolis dari tributum jusserit (Christus) solet hic disputari. Chrysostomus & Euthymius respondent, tributum illud in solis primogenitis fuisse solvendum, Petrum autem primogenitum fuisse. Quæ opinio præterquam quod versu precedente refutata est, ex eo etiam, refutari potest, quod inter alios etiam Apostolos aliquos fuisse primogenitos dicendum est. Melior est altera illa ratio, quam iidem Auctores & Hieronymus adferunt propterea Christum pro se & Petro solvisse, quod Apostolorum caput esset. Scio hanc rationem nostris hæreticis non placere, sed multo profecto est, quam illa, quam ipsi adferunt, probabilior, ideo pro Petro solvisse Christum, quid in illius domo versaretur. Jansenius tandem judicium tantum excellentiæ Petro deputatæ invenisse se putat. Quare autem, inquit, Dominus statere invento, id est, duobus didrachmis, jusserit reddi pro se, & Petro, & non etiam pro aliis Apostolis suis didrachmum solverit, aliquam ingerit quæstionem. Non enim ea potest dici fuisse causa, quam reddit Chrysostomus, quia scilicet etiam Petrus fuit primogenitus, ut supra ostensum est. Nec ea quam reddit Lyranus, quia scilicet Dominus Petrum jam fecerat veluti Capitaneum suorum Apostolorum,*  
*& tri-*

Et tributum hoc tantum per capita familiarum esset solvendum. Oñsum enim superius viritum fuisse persistendum. Ex quo etiam patet, esse plane vanam Titelmanni suspicionem & opinionem, putantis, tributum hoc exigi soli tum a transeuntibus civitatem Capernaum, & simplex quidem didrachmum solvendum, cum quis solus transiret; duplum autem dum cum aliquo comitatu. Dicitur enim, non a transeuntibus, sed ab habitantibus Capernaum solvendum fuisse, & Dominus staterem non pro se & suo comitatu jussit dari, sed pro se & Petro. Quod ergo pro se & Petro jussit dari, vel ob id potest videri factum, quod tunc solus Petrus Domino adesset, vel potius ob id, ut Petrum hujus negotii mediatorem, & miraculi executorem pro ejus fide simplici, obedientia & opera, & veluti mercede quadam honoraret. Proinde sicut in hoc facto observanda est simplicitas fidei in Petro, nihil dubitante de novo & inaudito Domini precepto: Ita similiter observandum in ipso Domino, quo modo rursus Petrum prae aliis honoraverit prerogativa nova, cum eum tanti miraculi voluit esse executorem & participem, indicans satis, etiam ipsum secum a Tribui debito jure debere esse liberum, propter peculiarem excellentiam ei deputatam. Mirum est, doctos viros etiam ejusmodi ineptiis indulgere. Christus jussit dari staterem pro se & pro Petro, antequam Petrus simplici fide obediens fuisset, & operam suam Domino praestitisset. Quare ergo non potius dicitur, quod Christus hoc praemio ad simplicem finem, obedientiam, operamque praestandam invitaverit? Cetera inhumanum & quodammodo ignominiosum fuisset, si Christus executioni miraculi alium quam Petrum, ad quem casus, & compellatio Exactorum negotium devolverat, deputasset. Visus enim sane fuisset Petrum repudiasse & indignum judicasse, quin etiam ei succensuisse, quod exactoribus gratificatus negotium apud Dominum agendum in se suscepisset. Si modo tum alius aliquis ex discipulis adfuit, & non solus Petrus: quod etiam Jansenium non improbasse visum est. Quis vero etiam tam audax fuerit, ut reliquos Apostolos didrachma nondum solvisse dicat: Quod si solverunt omnes praeter Petrum,

non opus fuit, ut Dominus præter Petrum pro nullo solveret. Ob  
servandum tandem & hoc est omnibus, quod, quorum certam  
rationem Scriptura non reddit, certam earum dare nemo possit

§. 6. *Quarto* quærunt; *Quare Christus miraculum potius fa-  
cere, quam ex loculis, in quos, quæ mulieres religiosa & alii in necessa-  
rios usus suppeditabant, conjiciebantur, tributum solvere voluerit?*  
*Hieronymus* hanc rationem reddit, quod Christus bona paupe-  
rum in tributum verteret noluerit. Quam a paucis probari asserit  
*h. l. Maldonatus*. Rationem quoque non invalidam subjungit;  
Nam quæ in loculis erant, ad omnia necessaria mittebantur: at  
tributum solvere, quando alias Christus volebat, unum erat ex  
necessariis. Aliam rationem ex *Chrysostomo* & *Euthymia* idem re-  
censer, ita Christum solvere tributum voluisse, ut nec publicanos  
offenderet nec suum perderet privilegium, dum non ex suo, sed  
ex invento solveret. Non parum placet hæc ratio *Maldonato*. Sed  
sine ulla, quam quidem videam, ratione. Quomodo enim Do-  
minus non ex suo numeravit tributum, si ex invento? Num ergo  
inventum non erat ipsius? Sane quando quis invento tantum  
juris acquirit, ut possit inde debitum tributum solvere, negare  
nemo poterit, quod proprietatem & dominium in eodem ac-  
quisiverit. Et si stater inventum fuit, non suum, respectu Christi;  
quid de pisce dicemus, in cujus ore stater inventus est? Num hic  
quoque inventum aliquod fuit, non proprietas? Quod si piscis  
fuit proprietas; ut quid non stater in ore ejus? Porro quodam  
fuit Privilegium, quod Christus perdere noluit? Nos sane nullum  
Christi hic privilegium agnoscimus; sed dominium. Nonne  
enim dominium est, quod liberat Filios Regum a tributo? Sane:  
nam Filii Regum jam sunt Domini: licet regnum non admini-  
strent. Nec Dominus aliquod tantum sibi privilegium arrogare  
voluit, sed vetissimum dominium, quod ipse Deus habet super  
omnia. Sed & ipsi *Maldonato* hæcenus placuit isthæc ratio, ut  
subjecerit; *Quamquam ego veram suspicor esse rationem, quod tunc  
alii discipuli, qui loculos gestabant, non adessent, & cum nollet publica-*

*nos offendere, ad solvendum tributum miraculum fecerit.* Suspicio hæc, quod discipuli, qui loculos gestabant, non adfuerint, nihil offendit. Sed si utique adfuerint, non tam diu procul dubio, nec tam procul adfuerunt, ut expectari adventus eorum non potuerit, si Christus expectare voluisset, & paulisper morari exactores. Nam venerunt exactores, antequam Christus cum suis discipulis de primatu loqueretur in regno Cœlorum. Atqui cum discipulis in iisdem ædibus de primatu hoc egit, mox, postquam ex itinere venit, & domum ingressus est: quod ex his verbis Marci IX. vers. 33. *Et venit in Capernaum, & quum in domo esset, interrogavit eos; Quid in via inter vos disceptastis?* manifestum esse puto. Oportet itaque discipulos reliquos non procul, & non diu abfuisse. Et quis scit, annon citius adfuerint, aut tam cito, quam Petrus a mari reversus est? Ergo non multum tribuimus huic Maldonati rationi. Probari potius debuisset ratio Chrysostomi & Euthymii, Maldonato, quam improbavit. Et hæc est; Christum ostendere voluisse, se etiam si tributum solveret, terræ & maris Dominum esse, quandoquidem ex mari ipse tributum acciperet. Nos hanc rationem, tanquam optimam probamus. Nec dubitamus, quin Petrus exactores secum ad mare duxerit, & miraculi Spectatores fecerit. Nimirum Christus illorum infirmitatem, aliorum que hominum, offendere noluit, tributum non solvendo: ad cognitionem tamen majorem de se deducere voluit, ostendendo, se in mare quoque possidere Dominium; si quo modo discerent, non ipsum ex necessitate infirmitatis suæ tributum solvere, sed quia spontanea sui humiliatione legibus, quibus homines obeligantur, se legum Dominus subiecisset.

§. 7. *Quinta succedit Quæstio; Num Christus Staterem in ore piscis creaverit verbo suo; an præscientia sua præcognoverit tantum; & sua omnipotentia piscem hamo Petri affixerit?* B. Hieronimus dubitat. Certum est, quod argumentum Divinitatis Christi sufficientissimum sint, omniscientia & omnipotentia ejus. Utriusque

actus cum manifestissimus sit in hoc negotio, non dubium esse debet, quin suffecissent, si soli fuissent. Itaque non reprehendus est *D. Hunnius*, quasi argumentum ex facto Domini pro Domino sumendum penitus enervasset, quando scripsit ; *Si ad absolutam Dei omnipotentiam confugiamus, cui scimus non esse impossibile omne verbum, potuit ipse talem monetam vel de novo condere, & fundere; aut fieri potuit, ut numisma illud quocunque tandem modo in aquam illapsum deglutiretur a pisce, idque nutu Christi, qui etiam maris est Dominus, ut reipsa comprobavit. Quemadmodum Dei nutu Balena seu cete deglutivit Jonam, & eundem rursus in litus jubente Domine evomuit ; Et hoc posterius priori est versimilius.* Interim prius, creasse Christum Staterem in ore piscis longe videtur probabilius. Non dubito, quin Dominus voluerit ex suo tributum solvere, hoc est ex eo, de quo ipsi inter homines conversanti nemo jure movere litem posset, ullo modo & casu. At certe si qui staterem amisit, cognovisset in ore piscis inventum esse, movere litem juxta legem saltem Mosaicam potuisset. Quandoquidem itaque Domino miraculum hoc facere placuit, existimo observare istud voluisse. Præterea non video, quandoquidem Christus miraculum insigne facere voluit, quare non optime & perfectissime facere voluerit. Perfectius autem & excellentius fuisset, si non tantum inveniri & degluti a pisce staterem fecit, & in ore etiam ejus creavit, extra controversiam positum puto. Sic in aliis multis miraculis Christus se creatorem probavit: ut, quando panes creatoria virtute auxit, *Math. XIV. & XV.* non aliunde omnipotenter adduxit: quando ibidem virtute creatoria restituit & reparavit in visu cæcorum, & membris claudorum, atque in corporibus ægrotorum mortuorumque; quæ illis deerant. *Maldonato* hoc quoque videtur probabilius. Sed rationem addit hanc; *Quia non solent pisces, si quando staterem aut aliam pecuniam deglutiant, eam in ore habere, sed in ventre.* Itaque ille piscis, si staterem illum ipse accepisset, non in ore sed in ventre habuisset. Quæ ratio parum est valida. Nam qui dicunt, quod piscis deglutiverit state-

staterem, dicunt hoc etiam, ut ex *D. Hunnio* apparet supra, quod Dominus piscem ad deglutendum paraverit. Ubi non respiciendum ad id, quod natura alias suggerit, sed quid qui deglutire iussit, voluerit. Nam alio qui etiam piscis, atque alia animalia, quando in ore aliquid sentiunt, in ventrem deglutunt. Ergo si naturæ instinctum res secuta fuisset, postquam Christus staterem in ore piscis creavit, sine dubio piscis eum deglutivisset. Sed qui supra naturam in ore creavit, supra etiam naturam, ut in ore retineretur, fecit.

§. 3. Quæri etiam distincte posset, quid didrachma & stater fuerint; sed quia in principali quæstione commode & sufficienter de iis agi potest, ad ipsam VI. *principalem quæstionem* accedimus. Illa vero hæc est: *Cujusmodi fuerint Didrachma, quæ a Christo exactores exegerint, & de quibus Christus tam multa cum Petro collocutus sit, tandemque solverit?* Didrachmum ratione nominis ignotum non est: duas nimirum drachmas valens. Sed si Hebræorum aliorumque populorum monetas contuleris, non adeo certum est, quid valuerit. *Maldonatus* in h. l. *Didrachmum*, inquit, *argentea moneta* genus erat, *idem* prorsus *valens*, atque *duo Hispanica regalia*, *duo Italici Julii*, *decem solidi Gallici* hoc quidem tempore. Nam *regale Hispanicum drachmam unam argenti pendidit. Didrachmum duas, ut nomen indicat, drachmas continebat, sicut tridrachmum tres, tetradrachmum quatuor, id est siclum Hebraicum. Siclus enim Hebræorum tantum pendeat, quantum quatuor Hispanica Regalia, & quantum Francus Gallicus, quem Henricus III. bis annis cudit. Est hæc sententia plerorumque. Lyræus in collatione ad monetam Gallicam dissentit, post alias refutatus etiam propterea a Maldonato h. l. qui, ut diximus, scribit tetradrachmum, id est quatuor drachma siclum efficiebant; unde sequitur, didrachmum, id est, duas drachmas dimidium scilicet effecisse, quod singuli Judæi majores viginti singulis annis pendere jubentur. Ex eo autem Exodi loco (cap. XXX. vers. 13.) Lymni opinio a multis refutata aperte convincitur. Putat enim didrachmum solidum fuisse Gallicum, id est, duodecim, at ipse vocat, parvos Turonicos, Cum Moyses dicat, siclum viginti obolos habuisse.*

B 3

sc. Cui.

*se. Constat autem obolum unum idem fuisse, atque solidum Gallicum. Nam ut diximus, ipse pondere certum est, Francum unum siculum pependisse, sicut quatuor Hispanica Regalia & Francum viginti solidos sicut siculum viginti obolos habere. Itaque didrachmum, quod Lyranus unum tantum solidum habuisse putat, decem solidos habebat. Hanc suam sententiam cum Budæo lib. de asse, qui didrachma septem solidos tantum valuisse, scripsit, sic conciliat, quod tempore Budæi Hispanicum Regale, quod drachma argenti est, tribus solidis cum semisse aestimatum sit, suo autem (h. e. Meldonati) tempore, quinque. In comparatione autem ad monetam Hebraicam aliud plane deprehentitur in LXX. Interpretibus. Hi namque Exodi XXX. vers. 13. Siculum sacrum vertunt διδραχμον, atque adeo duas tantum illi dederunt drachmas. Verum Lightfootus conciliat, quod quemadmodum sculus communis vocatus sit διδραχμων, sic illis placuerit siculum sacrum vocare διδραχμον. Septuaginta, inquit, quidem interpretes in Exod. XXX. v. 13. ἡμισυ τῆ διδραχμῆ reddunt, ast insuper hoc addentes, ὃ ἐστὶ κατὰ τὸ διδραχμον τὸ ἅγιον. Esto; totus sculus fuit διδραχμων ἅγιον: Hemisculus tunc esto διδραχμων δημοσίον. Prolixius autem de hoc agit Lodovicus de Dieu Appendic. ad Evang. Matth. cap. XVII. Drachmam, inquit Syrus vertit ἡμισυ διδραχμων, duo ἴσθι. Est autem apud Magistros ἡ quarta pars τῆ שטרל sive שקל scli sacri. Adeo ut duo ἴσθι sive διδραχλον dimidium scli sanctuarii, quantum quisque Israelitarum ex lege pendebat Deo Exodi XXX. v. 13. Ubi tamen non dissimulandum, non medium, sed in integrum siculum sanctuarii vocari διδραχμον LXX. Interpretibus, &c. Quo circa assero plus ejus, quod dari solebat Deo, dederunt Cesari, si hic apud Mattheum tantundem valet διδραχμον, quantum ibi apud LXX. Seniores. Negat id Josephus de Captivitate Judaica. lib. 7. c. 26. Ubi in alteram sententiam de Vespasiano his verbis ait: Φέρον δὲ τοῖς ὁσὶν εἴη ποτ' ὅσιν Ἰσραηλίοις ἐπέβαλε., δύο δραχμας ἑκάστων κελεύσας ἀνὰ πᾶν ἔτος, εἰς τὸ καπετώλιον φέρειν, ὥσπερ πρότερον εἰς τὸν ἐν Ἱεροσολύμοις νεὼν συστέλλεν. Tributum autem Judæis ubicunque degerent, indixit, duas drachmas jussis singulis in Capitolium quotannis confer-*

re, sicut ante hac Hierosolymitano templo pendebant. Dicendum itaque ambiguum esse τὸ διδραχμον, dicique non tantum de siclo Communi, sed etiam de sacro. De Communi proprie, quippe qui, dimidium existens sacri, duo  $\text{דנרין}$ , duas drachmas, vel quod idem, duo  $\text{דינרין}$  duos denarios comprehendebat. Atque illud esse διδραχμον apud Matthaeum. De sacro autem, cur & quomodo a LXX. Senioribus usurpetur, non adeo liquet. Quippe qui τετραδραχμον melius, quam διδραχμον vocaretur; quatuor enim  $\text{דנרין}$  Drachmas, sive  $\text{דינרין}$  denarios ipsum continere, non tantum ex Communi Hebraeorum sententia constat (vide Aruch in voce  $\text{סלע}$  & Thesbi Elia in  $\text{דנר}$ ) sed & Josephus lib. 3 cap. 9. Antiquit. Judaic. id confirmat, ὁ δὲ σίκαλον, ἵνα ἴσμεν, ὡς ἑκατὸν ὀν ἄττικὰς δέχεται δραχμὰς τέσσαρας. Hinc & quinquaginta sicli, quae levit. XXVII. vers. 3. aestimatio erat maris voto Deo consecrati, dicuntur apud Philonem de voti satisfactione voluisse δραχμὰς διακοσίας νομισμάτων ὁ λαγυρίδς drachmas ducentas e solido argento. Si ducenta drachma valent 50. siclos, ergo quatuor drachma singulos. Cur ergo hic siclus διδραχμων vocatur? Non aliam conjectare causam possum, quam quia communis siclus constabat drachmis duabus, siclum in genere vocatum fuisse translatum, etsi quatuor constaret. Aethiopicum Evangelium Matthaei διδραχμον, accepit pro Denario, h. e. drachma. Ubi Ludovicus de Dieu existimat, fuisse hoc ex Matth. XXII. Ubi Numisma census vocatur denarius. Sed nullius, inquit, momenti est. Est enim duobus denariis absolveretur census, recte tamen numisma census dicitur fuisse denarius, quia ea moneta erat quae in censu solvendo adhibebatur. Idem miratur, quod Evangelium Hebraeum Matthaei utriusque editionis pro didrachma habeat  $\text{דרכסון}$  quod drachma unam denotat. Teophylactus & alii putarunt didrachmun facere quinque siclos sacros.

§. 9. Stater quandum valuerit, magis quidem certum est Autoribus, si verbum spectaveris; aequè tamen incertum si rem consideres. Nam communis in hoc videtur consensus esse, quod Stater duo διδραχμα fecerit. Sumunt ex hoc, quod Christus jussit



rit Petrum, ut pro se & Petro daret staterem. Ubi sine dubio voluerit plus non dari, quam quantum duo deberent viri. Jam vero singulos viros unum διδραχμον debuisse, & solvisse. Ut adeo, quod dictum, stater duo διδραχμαι præcise exæquaverit. Verum enimvero, utut in hoc consentiant Autores; nihilominus omnis dissensus de διδράχμοις; in hanc vocem simul influit. Si namque cum LXX. Interpretibus διδραχμον feceris siclum sacrum, stater erunt duo sici sacri. Si cum Æthiopico διδραχμον dixeris denarium; Stater efficiet duos denarios. Si cum plerisque didrachmum fuerit tibi siclus communis; Stater erit siclus-sanctuarii. Si cum Chrysostomo, Theophilacto & aliis didrachmum putaveris esse quinque siclos sacros, stater faciet decem siclos. Et sic porro si in aliorum populorum monetas didrachma & staterem convertere conabimur? Eorum sententias, qui abud Theophyl. vel pro margarita, vel pro tributo, vel pro quarta parte numismatis accipiunt, non probatum iri puto.

§. 10. Equidem in hac re non parum obscura judicium mihi temere non sumam de doctissimis viris; non tantum quos nominavi, sed quos non nominavi etiam, qui plures: dicam tamen, quid mihi videatur. *Primo*; nisi ipse fallor, falluntur doctissimi plurimi in sua de ששם Susim Hebræorum sententia, quando eos simpliciter idem cum drachmis etiam ratione valoris esse volunt. Doctiorum hic esto judicium. Ergo namque invenio, quod, ut distincti fuerunt sici, sic distincti etiam fuerint ששם Susim; perpetuum autem hoc fuerit, ut quilibet siclorum haberet quatuor Susim, siue esset siclus sacer, siue civilis, siue magnus, siue parvus. Siclum sacrum habisse suos Susim, certum est: Qui fuerunt Susim sacri. Atqui fuisse ששם non minus certum est. Nam Tractat. *Kethuboth* cap. V. Mischn. 8. scriptum est; *Et vasa quinquaginta Susorum.* Ubi Gemara fol. 65. 2. Dixit Abai, *bi sunt quinquaginta Susim ששם* simplices: Ubi R. Sulomo annotat; *Susi simplices sunt susi provincie* (h. e. provinciales seu Politici) *qui habent octavam partem* (argenti,) *quod est in Susim Tyriis* (qui iidem

iidem sunt sacri.) Nam omne argentum provincia habet unam partem octavam de argento Tyrio: Sicut supra diximus. Siclus provinciae est dimidius Susus, qui est octava pars sicli (sacri.) Sic ibid. cap. VI. Misch. 5. scribitur; Qui elocat filiam suam simpliciter, diminuet (dotem ejus) infra quinquaginta Susim. Ubi Iom Tob; Expositum est in Gemara, quod sit argentum provinciale. Confer ibit. R. Salomonem. Porro tractat. Baba Bathra cap. X. Misch. 2. ita habetur; si scriptum fuerit (in obligatione.) Susim centum, qui faciunt siclos viginti, non debebuntur illi nisi viginti (sicli), Sin; Susim centum, qui faciunt siclos triginta, debebitur illi, nisi libra. Ubi glossa R. Salomonis; si scriptum fuerit in ea (scil. obligatione mutuo dantis,) Susim centum, qui faciunt viginti siclos, mutuo accepit N. ab N. Tum etiam si centum Susim alias faciunt viginti quinque (siclos,) tamen non debetur mutuo danti, nisi libra octaginta Susorum. Nam manus Domini obligationis succumbit. Et contra exigentem a proximo suo valet exceptio quod forte sic explicanda sit (obligatio;) Susim centum minuti & deficientes, qui non valent nisi siclos. Et ad verba; Sin Susim centum, qui faciunt triginta siclos, ita habet; Non debetur illi nisi libra centum Susorum. Potest enim ita exponi; Susim centum, qui faciunt triginta siclos leves, qui non faciunt, nisi viginti quinque siclos (bonos) Conf. Bartenoram ad h. 1. Hic habemus contractus civiles, in quibus usitati erant sicli civiles. Et praeterea juxta Gemaristas & Glossatores; Sicli qui in verbis Rabbiorum (Mischnicis) occurrunt, sunt sicli provinciales. Atqui nihilominus horum siclorum quilibet habet quatuor Susim. Praeterea habemus hic siclos graves, & siclos leves: Susim graves, & Susim leves. Et Susim leves quinque siclos faciunt singulos. Contra sicli leves singuli Susim bonos ternos cum triente continent. Sicli autem boni singuli quaternos Susim bonos. Itaque verum quidem est, quod siclus provincialis valuerit tantum duos Susim sacros: in argento autem tantum habuerit octavam partem sicli sacri, reliquas septem partes in aere. Interim tam siclus politicus, quam siclus sacer habebat suos quatuor Susim, qui

vinginti quatuor obolos habebant omnes, singuli sex. Quin verisimile mihi sit, quod pondus unum idemque plane fuerit utriusque sicii, tum sacri, tum profani; nisi quod materia ex qua discrimen faciebat. Nam sicii sacri ex puro erant argento, cum in siclo profano seu civili non, esset ex argento nisi pars octava, reliquis septem ex ære existentibus. Et hæc quoque ratio videtur, quod siclus Tyrius & sacer Hebræorum plane conveniebant. Nam & Tyrius ex puro argento fuit. Habeo vero etiam hic consentientem Rambamum tract. Bechor. cap. VIII. Mischn. 6. ubi inquit; *Omnia hæc, quæ hic commemorantur, sunt argentum Legis: quæ vero in Thalmud. e. g. de dotibus mulierum & mulieris habentur, sunt argentum provinciale, h. e. quod habent idem estimationis cum Darkemonim monetæ Hierosolymitanæ, qui fuerunt octava ex parte ex argento, cum septem partes essent ex ære. Et hic etiam est traditio in manu mea, a patre meo, qui accepit a Præceptore suo p. m.*

§. II. Jam, Secundo quod collationem ad monetas aliorum populorum attinet, ipsis Hebræis ignotum est, quodnam pondus verum siclorum fuerit: ad traditiones valde incertas decurrunt Audiamus Rambamum ad Tract. Bechoroth cap. VII. Mischn. 6. *Pridem, inquit, exposuimus aliquoties, quod siclum, cujus in lege fit mentio, Deus benedictus vocaverit כסף siclum. Idem vero dicitur etiam כסף argenteus; quemadmodum dicitur: Quinquaginta argentei & centum argentei. Iterumque dicitur; Argentum triginta sicii: Caterum fuit pontus ejus 24. Darkemonim; Pondus autem Darkemon 16. grana. Atque hæc ipsa sententia Talmudis, de qua dubitandum non est. Porro Traditio est in manibus nostris, a Patre meo, Domino meo, p. m. qui accepit a Patre suo, ab avo suo, alter ab altero p. m. quod granum hoc, quo existimant pondus hoc sit granum bordei. Cuius tamen rei ego nullam scio causam. Prætera ex iis, quæ paulo ante dicta sunt, patet, quod ne ipsæ quidem monetæ Hæbræorum ejusdem ponderis fuerint. Erat namque præter distinctionem sicii in sacrum & profanum, qui ratione materiæ distincti erant, ut ille ex puro argento esset, hic octavam tantum partem argenti habe*

haberet, adhuc scilicet distinctio alia, tum Ecclesiastici, tum Politici, in gravem seu bonum, & in levem seu deficientem ; quorum ille 384. grana, hic grana 320. habebat. Sic Susim erant graves seu boni, qui 96. grana, & leves seu deficientes, qui tantum grana 80. pendebant. Sicli graves, & Sisim graves, si Hebræis credimus, facti & constituti sunt a sapientibus, sub templo secundo? leviores ab ipso Mose traditi. Cujus rei causa nulla inventa est ab iisdem, nec forte invenietur, nisi hæc, quod Mosi sicli & Susim purius argentum habuerint, adeo, ut, sub templo secundo, sicli grana 384. tantum, argenti purissimi habuerint, quantum tempore Mosi habuerunt grana 320. & Susorum sub secundo templo grana 96. tantum, quantum Susorum Mosaicorum grana 30. Verosimile namque est, quod sub templo secundo ars cudendi argenti purissimi sine additamento æris, quam Mosaica & sequentia, usque ad Captivitatem Babylonicam tempora habuerunt amissa sit. Itaque sapientes sub templo secundo, cum nihil de quantitate argenti purissimi diminutum vellent, ne ea Mosaica traditione discēssisse viderentur, maluerunt siclos & Susos augere. Nec credi fere potest, quod homines alioqui traditionum observantissimi, in siclis ipsis sacris aliquid discriminis & mutationis introducturi fuissent, nisi deprehendissent, non tam esse mutationem, quam exæquationem.

§. 12. *R. Salomo* comparisonem instituit siclorum & Denariorum, cum aureis nummis sui seculi, dixitque, denarium idem fuisse atque aureum. Unde cum siclus quatuor habuerit denarios, consequitur, siclum valuisse quatuor nummos aureos. Sed corrigite eum *Moses Nachmanides* ad Exod. XXX. vers. 13. Verba hujus translata adscribam. *Schripfit, inquit, Raschi, quod sicli pondus sint quatuor aurei, qui faciunt semunciam, juxta justum pondus Colonia. Nimirum invenit Rab expressum in Gemara, quod siclus quatuor habeat denarios. Traditione autem edoctus est, de pondere denariorum, quod equale esset ponderi aureorum. Sic namque scripsit inglossa suo ad Gemaram tractatus Baba Kamma ; Denarii pondus*

est aureus, & sic vocant Constantinopoli aureum denarium. Quae omnia quidem sunt verissima. Verum enim vero accepit Rab de aureis, qui inventi sunt in ipsius seculo, & in seculo nostro, quorum pondus exaequat semunciam, ut commemoravit. Quod faciendum non est. Nam Reges gentium diminuerunt aureos. Pridem scriptum invenimus in verbis Autoris Constitutionem Magnarum, & Geonim priorum, quod Denarius, cujus per totum Talmud mentio fit, sit Denarius Schebdenag, qui denarium Arabicum sexta parte excedit. Itaque juxta quantitates, quae in verbis eorum inveniuntur, denarii, de quibus Talmud, majores sunt, quam aurei, qui inveniebantur & usuarii erant tempore illius (Raschi) tertia prope parte. Ut siclus habuerit tres partes quartas uncia juxta pondus terra bujus, quae eadem est cum uncia, quam Rab. p. m. commemoravit.

§. 13. Siclos sacros cum communiter comparent ratione valoris, dicantque, sacrum habuisse, quatuor denarios, profanum duos: id etiam in dubium vocat Moses Nachmanides ad Exodi 30. v. 13. Scito inquit, quod sicli legis sint ejusmodi sicli, quorum singuli sicli habeant quatuor denarios: sed siclus, qui in verbis sapientum (Talmudicorum) memoratur, e. g. quando legimus siclum mutuo dedisti mihi, qui exaequat Sela: Sela mutuo dedi tibi, qui exaequat siclum, habent, (tantum) duos denarios, b. e. dimidium sicli sacri. Cujus rei ratio est inde, quod populus siclos vocaverit dimidios istos siclos, quotannis (templo) pendeat. Id quod similiter in usum venit stylo sapientum in Mischna. Atque inde factum, ut aliquis diceret proximo suo, siclum mutuo dedisti mihi; q. d. pondus quod Israelita pendunt (templo.) Factum tamen esse potest, ut templi secundi tempore cuderint monetam argenteam duorum denariorum, ut commoda esset, quae daretur Exactori sancti Thesauri, ne indigerent Collybio: quam monetam vocaverint siclum, siclum autem Moysi, qui est siclus Legis, vocaverint Sela, juxta Targum. Equidem est, qui dicit, quod ratio inde sumenda, quod dixerint, (sapientes.) Libra sancta gemina fuit. Atque sic (igeminas) fuisse quasunque monetas: quod verum non est.

§. 14. Cum se ita res habeat, apparet, quam difficile & laboriosum,

riosum sit, monetas istas Judaicas in monetas aliorum populo-  
 rum transmutare. Nos certe hic laborem istum non suscipimus.  
 Observamus *Tertio*, quod ad nostrum institutum magis pertinet,  
 Comparisonem cum drachmis Atticorum. Habet noster textus  
*διδραχμον*: habent LXX. Interpretes. Invenimus duas drachmas  
 vocari a Josepho dimidium siclum sacrum, qui quotannis in  
 usum templi colligebatur. Legimus, Philonem unicuique siclo  
 sacro dare quatuor drachmas. Reperantur enim hic, quæ supra  
 ex Lightfooto & Lud. de Dieu adduximus. Conciliatio potissi-  
 ma Josephi cum LXX. fuit, quod quum siclus vulgaris duas tan-  
 tum drachmas habuerit, & inde illi *διδραχμος* nomen datum, mox  
 nomen ad siclum sacrum translatum sit. Sed ista conciliatio fun-  
 damentum nimis incertum habet. Supponit namque, quod  
 tempore LXX. Interpretum siclus communis jam appellatus  
 fuerit *διδραχμον*. At unde hoc probabitur. Potius dicendum vi-  
 detur, quod LXX. Interpretes, qui omnium maxime, & primi  
 forte monetas & alia Judæis peculiaris consuetudinibus Græco-  
 rum conferre coacti sunt,prehenderint, siclum sacrum acce-  
 dere proxime ad drachmas duas Atticas. Quid ergo, si hinc dixe-  
 rimus nomen ad communes siclos translatum: quemadmodum  
 nomen siclorum a sacris ad profanos venit? Sane hoc longe no-  
 bis videtur probabilius. Et commodissime maxime factum est,  
 si siclorum communium seu profanorum pondus exacte idem  
 fuit, cum pondere siclorum sacrorum: quod nobis ex funda-  
 mentis Talmudicis, quæ supra produximus, magis probatur.  
 Nam tum, si pondus respexerimus, tam vere siclus Politicus erat  
*διδραχμον*, quam siclus Ecclesiasticus. Interim quando non ad  
 pondus, sed ad valorem communiter in contractibus & permu-  
 tationibus receptum, spectaverimus, dimidius siclus sacer seu Ec-  
 clesiasticus, qui ratione ponderis unæ erat *δραχμή*, valebat  
 duas drachmas politicas. Integer autem siclus sacer va-  
 lebat quatuor drachmas politicas. Atque *διδραχμον* sa-  
 crum, ratione ponderis sic dictum, erat *τετραδραχμον*

seu *τέτραχμον* politicum ratione valoris. Unde recte dixit Philo, quinquaginta siclos maris per votum Deo consecrati fuisse *δραχμὰς διακοσίας* drachmas ducentas, sed νομίσματα ὀλαργύρια, numismatis pure argentei, cujusmodi fuerunt sicli sacri, non autem in pondere, i. e. valuisse tantum in puro argento, quantum ducentæ drachmæ in pondere argenti non puri. Recte etiam Josephus Antiquit. Jud. lib. 3. cap. 9. de siclo sacro loquens, ait, quod fuerit moneta Hebræorum continens quatuor drachmas Atticas in valore, quem drachmæ quatuor Atticæ habbant, in pondere siclorum communium. Idem etiam recte semisiclum sacrum a Vespasiano impositum, vocavit δύο δραχμὰς duas drachmas, respiciendo valorem, qui cum *διδραχμῶ* politico idem erat. Forte etiam hoc accessit, quod drachmæ atticæ cum drachmis vulgaris monetæ Judaicæ tempore Philonis & Josephi coinciderint.

§. 15. De statere *Quarto* observamus, quod non possit esse idem in nostro loco cum *אסתר* *Isthera*, quam staterem Lexicographi vocant. Nam invenimus in Talmude, quod *Isthera*, ista fuerit octava pars monetæ Tyriæ, quæ fuit ὀλαργύριον ex puro argento: Ut dimidium etiam tantum Susi pondus habuerit. Non itaque dici potest, quod ratione ponderis idem fuerit cum siclo profano, & continuerit quatuor Susim, quos drachmas fuisse putant; atque adeo pependisse quatuor drachmas, sicut stater Atticus. Per errorem dici eum staterem puto, vel ob affinitatem vocabuli, vel quia R. Salomo eum dicit siclum provincialem, seu profanum. Quod R. Salomo tamen non dixit, nisi in respectu ad argenteum, de quo tantum *Isthera*, quantum siclus provincialis habebat. Puto namque id dicere voluisse, quod habetur in *Gemara Kidduschim* fol. 11.2. *Noli, dicere; Cujusmodi siclus est? Uti que quatuor susorum (Tyriorum) sed (dic) quid est siclus? dimidium Susi (Tyti:) quem faciunt homines, qui dimidium Susi vocant Isthera.* En! hi homines octavam partem sicli sacri vocant *Isthera*: non autem siclum ipsum, quem faciunt. Præterea valde dubium

bium est, num Istihira sit factum ex stater: malim ex Græco ἀσπρά, deductum. Et sane sunt, qui Astihira legunt non Istihira; quibus assentire malo, siue quod moneta figuram stellæ habuit quæ dimidium Susi valuerit; siue ratio aliæ fuit. Cæterum staterem Atticum quatuor continuisse drachmas, in controversiam non voco. Sed in hoc sita est quæstio, quomodo stater continens tot drachmas, ad monetam Hebræorum applicandus sit? Cum de ipsis drachmis maxime res dubia sit, ut supra diximus. Staterem valuisse siclum sacrum, & duos profanos, video sententiam esse omnium ferme interpretum. Sed firmitus argumentum non video quam ex eo, quod Christus dixit; *Eum da pro me & pro te*. Nimirum Christum non voluisse, ut Petrus plus daret, quam quantum uterque deberet. At quemque illorum debuisset dimidium siclum sacrum. Ut necessarium sit, staterem duos dimidios siclos, seu duos integros profanos. h. unum integrum sacrum valuisse. Verum enimvero hoc argumentum pro se fecerit facile, quisquis aliter de debito Christi, quod sponte suscepit, & de Petri obligatione statuerit, atque aliam de drachmis, atque didrachmis sententiam foverit. Ita Æthiopicus, cui διδραχμον est denarius, dicet staterem valere duos denarios. Theophilactus & alii, quibus didrachmun est siclorum quinque sacrorum moneta, staterem dicent valere decem siclos sacros. Ut supra §. 8. jam indicavimus.

§. 16. Ut nostram, *Quinto*, de istis sententiam exponamus plenius, dicimus 1. *Nobis maxime probari, quod sicli apud Judæos, ut & Susi, ratione ponderis, fuerint diversi, alii quidem graviores, alii vero leviores, ita tamen, ut quilibet siclus, siue magnus, siue parvus fuerit, nihilominus habuerit suos quatuor Susos, responderintque siclis parvis Susi parvi, & siclis magnis seu gravibus Susi graves.* Hoc namque nimis manifestum, & firmiter fundatum est in tractat. *Baba Batbr.* fol. 165. 1. quem locum supra citavimus. Originem hujus discriminis Maimonides adscripsit sapientibus sub templo secundo: quod libenter admittimus, & adhuc nobis non displicet



cet ratio, quam indicavimus, quod argentum tam purum, quam sub templo primo, & tempore Moſis, cuſum eſt, non cuderint in monetas poſt captivitatem Babylonicam, amiſſa arte, quam Maiores habuerint, uſi tū laudatiori Tyria. Ubi vero quum argento aliquid additum ſit, de cæteris metallis, pondus augere coacti ſint. Confirmor in hoc, quod *Maimonides* ad Cap. II. *Miſchn. 4. Schekalim*, annotat, Judæos poſtquam ex captivitate Babylonica aſcenderunt, aliquādiu monetam Darbonoth duplorum ſiclorum, ſacrorum habuiſſe; poſt cepiſſe demum ſiclos ſacros cudere; & tandem ſiclos ſacros dimidios, h. e. שפלים ſiclos ut vocat. Diximus II. *Non invenire nos ullum fundamentum, propter quod dici poſſit, ſiclum profanum ſeu Politicum minus vel dimidium habuiſſe pondus reſpectu ſiclorum ſacrorum: Ut adeo conſentiamus illis, qui unum idemque pondus ſiclorum ſacrorum & profanorum faciunt.* Non tantum movet nos hic autoritas Rambami, Raſchii, quos ſupra in hanc rem produximus & allegavimus ſed maxime Talmudicorum. Nam Rambamus & Raſchius, cum aliis tribuunt ſiclo profano ſeptimam partem ſicli ſacri ex argento, & ſeptem partes ex ære. Quomodo idem utriusque pondus fuiſſe oportet. Talmudici vero non tantum ſiclo ſacro, qui in rebus Scripturæ habetur, quatuor Suſim aſſignant, ſed profanis quoque ſuis: quod haud obſcurum puto per exemplum, quod ex Baba Bathra adduximus. Nam non video, quare dubitandum ſit, quin iſtic ſermo ſit, de ſiclis civilibus, cum ibi non tantum ſermo ſit, de dotibus ſponſalitiis, in quibus, exceptis ſaltem pauperibus, ſiclum ſacrum locum habere, quidam etiam ex Rabinis contra Rambamum alioſque ſtatuunt, ſed de contractibus civilibus in genere: quo de §. 9. egimus. Sententia *Moſis Nachamanide*, quam in §. 10. adduximus, mera conjectura videtur, quando ſcil. putat dimidios ſiclos cuſos eſſe illos, qui vulgariſſime ſicli vocati, quod templo darentur, & vulgo dicerentur colligi, aut dari ſicli. Certe fundamentum rei non invenimus: quæ alioqui forte non abſurda foret. Nec Nachmanides ullum adfert.

Con-

Contra autem Nachmanidem est, quod jam Moses Exodi XXX.  
 v. 13. suo tempore indicat discrimen fuisse inter siculum profanum  
 & siculum sacrum. Quid enim aliud vult, quando ibi dicit: *Da-*  
*bunt dimidium sicle, in siculo sanctitatis seu sancto*: Quid opus fuit  
 hoc dicere, si alius sicles tum non fuit nisi illi sacer, ut vocatur;  
 Putarim itaque discrimen fuisse antiquissimum, ut in sacris ob  
 honorem Dei & rerum sacrarum, puro uterentur auro, licet alia  
 in civilibus monetæ puro auro non essent. Ita alias quoque  
 in cultu sacro optimæque danda & sacrificanda erant; ne  
 quis videretur Demade fraudare velle. At discrimen, vel potius  
 diversus vocis usus quem dicat Nachmanides, diu post Consti-  
 tutionem Mosacæ introductus fuisset. Alioqui dimidios sicles  
 cûsos esse, qui& necessarii in datione sicleorum dimidiõrum, ut  
 si quis dimidium non haberet, permutare cogeretur cum collyr-  
 bio, non negamus & docet tractus Talmudicus *bekalim*. Di-  
 cimus III. *materia autem discrimen fuisse, inter siculum sacrum &*  
*profanum tantum non firmissime nobis persuademus: & ad stipula-*  
*mur iis, dicunt, ex Hebrais maxime, quod sicles sacer ex puro &*  
*solido argento, fuerit, profanus autem non nisi octavam partem ar-*  
*genti reliquas septem æris habuerit.* Hæc rectissimæ etiam dicta  
 est moneta provincialis, quemadmodum & nos monetam ma-  
 tertix minus probæ, & quæ auctoritate potius Magistratus quam  
 materiæ nobilitate, valet, provincialem vocare solemus, *Λανδæ*  
*Μίντæ*. Non video, quid Philo sibi velit, si hoc non vult, cum  
 dicit, quod 50. sicle hominis voto consecrati faciant ducentas  
 drachmas *νομισματῶν ὀλάργυρις*, *monetæ pure argenteæ*. Sane  
 distinguit monetam in eam, quæ est pure argentea, & in eam, quæ  
 non est pure argentea. Non etiam video, qui apud Talmudi-  
 cos possit aliquis *שֵׁטֶל* sicles esse, ut illi loquuntur, *פְּלִיטֵי רוֹחָה*  
*dimidius susus*, nisi materiam spectemus, quod scil. de ar-  
 gento dimidium Susum tantum habuerit, reliquæ septem  
 parte ex ære fuerint. Dicimus IV. *Omniño probabilius*  
*est, quod pondus sicle fecerit duas tantum drachmas, siue de*

*siclos sacros, sive de profano loquamur; Ut duo Sufi una fuerint drachma: ratione valoris post modum siclus sacer dimidius διδραχμων, & integer sacer τετραδραχμων vocatus sit; ideo quod dimidius tantum valuerit, quantum dua drachma seu integer siclus provincialis, integer autem quatuor drachmas in siclis profanis, b. e. duos integros provinciales valore aequaverit. Sane longe probabilius est, quod siclus sacer integer & dimidius a profano denominationem aliquam acceperit, quam ut profanus a sacro. Ratio est, quia in ejusmodi rebus os vulgi & consuetudo loquendi populi prevallere solet. Quis vero dubitet, quin longe frequentiores fuerint sicli provinciales, qui in Politicis contractibus usitati fuerunt, quam sacri, quorum in templo præcipue usus? Quæ etiam necessitas, ut suo semper haberent Trapezitas, a quibus populus, siclos templo soluturus, dimidios siclos aut integros sacros acciperet, non sine collybio, si sicli sacri sive integri, sive dimidii apud vulgum frequentes: Facile itaque apparet, qui factum, ut, licet siclus sacer pondus tantum haberet duarum drachmarum, cum tamen valeret duos siclos profanos, vocatus sit τετραδραχμων, & dimidius διδραχμων. Nam quando in contractu politico, in quo drachmæ provinciales usitæ, conventum est ab emtore & venditore in quatuor drachmas, emtor autem dedit siclum sacrum, tum quatuor suas drachmas accepit venditor, & emtor dicere potuit, habes hic τετραδραχμων. Sic si conventum fuit in duas drachmas provinciales, vel διδραχμων: Emtor, si forte habuit dimidium siclum sacrum, eum dans dicere potuit, hic habes duas drachmas vel διδραχμων. Ita vulgo in valuit consuetudo, ut dimidius sacer siclus διδραχμων, integer τετραδραχμων appellaretur. Accessit alterum, quod quando dimidius siclus sacer exigebatur & colligebatur a populo, hic vero rarissime, saltem in specie, ut loqui solemus, haberet (hinc namque Collybistæ & Collybium, de quibus multa in tract. Schekalim) factum sine dubio est, ut διδραχμων politicum a populo exigeretur, non tantum in specie, sed etiam in obolis (confer Schekalim cap. II, Mischn. 3.) solvendum, unde mox & hic*

hic usus obtinuit, ut dimidius sicles sacer vulgo diceretur *διδραχμ-  
μον*. Hoc si statuerimus, non mirum erit, quare septuaginta In-  
terpretes siclum sacrum vocaverint *διδραχμον*, duas drachmas; re-  
vera nanque pondus duarum drachmarum erat: necesse autem  
simul habuerunt, dicere *διδραχμον ἅγιον* didrachmum sacrum, ut  
ab altero vulgari *διδραχμῳ*, quod profanum, distinguerent. Non  
tam promptum mihi est credere, vulgo etiam siclum sacrum fuisse  
nominatum *διδραχμον*, etiamsi esset revera & ratione ponderis, &  
ratione valoris *τετραδραχμον*, quia sicles politicus dictus sit  
*διδραχμον*. Qui namque factum est, ut non minus dimidius si-  
clus sacer appellaretur *διδραχμον*? Et quam turpis hæc confusio?  
Jam auctoritatem LXX. Interpretum, qui ipsis Talmudistis longe  
vetustiores, hoc in negotio contemnere non possumus. Ea-  
dem ratione factum puto, ut dimidius sacer sicles diceretur *ק"פ*  
sicles, quod sit per totum tractatum Schekalim, nimirum quod  
æqui polleret integro pro fano: & distinctionis gratia sicles sacer  
*ק"פ סעל* sela appellaretur. Vide Schekal. cap. I. Mischn. 6. & Con-  
fer. Maimonidem ad cap. II. Mischn. 4. Hanc comparisonem  
sclorum cum drachmis si obtinuerimus, contenti sumus, & no-  
stro instituto sufficit, nec ad alias monetas, de quibus comparatio  
nimis incerta & difficilis, accedimus. Perigimus potius, & dici-  
mus V. *Quid jam de statere sentiendum sit, in promptu erit: nimirum  
cum sicles sacer duas habuerit drachmas, sicut provincialis; Stater  
autem Atticus fecerit quatuor drachmas Atticas; Sequitur, quod  
apud Hebræos staterem fecerint duo sicles sacri vel quatuor provincia-  
les.* Existimo autem, quod, licet *διδραχμον* duplex Judæis fuerit,  
ut hætenus dictum, Stater tamen duplex nunquam fuerit, nec  
*τετραδραχμον* appellatus sit. Ratio, quæ movet, hæc est: quod sta-  
ter apud Atticos integra monetæ species fuerit: sicut sicles  
Hebræi eorum apud Hebræos. Jam Hebræi non  
habuerunt duas species, quæ stateris pondus haberent,  
aut staterem singulæ valerent; sed unicam tantum, eamque au-  
ream. Hæc moneta aurea non infrequens illis erat in provin-  
ciis etiam dicebaturque Hebræis *דרבון* Darbon, vel *דרבן* Dar-  
kon.

*kon* : Utroque namque modo in Talmude legitur. Hac moneta faciebat duos siclos sacros, atque adeo quatuor drachmas bonas, seu solidi argenti : unde optime stater Græca voce dici potuit. Nam & alia nomina monetarum argentearum ad aurum transumebantur. Sic denarius non tantum erat argenteus, idem cum Suso, quarta pars sicli ; sed etiam aureus denarius, qui viginti argenteos valebat, & apud Talmudistas non infrequens est. Hunc Darkonem seu Darbonem in collectione siclorum ita admitterebant, ut collectoribus didrachmorum seu dimidiorum siclorum sacrorum, omnia didrachma collecta in eos commutare, & sic Hierosolymam deportare, licuerit, ut diminueretur onus, & commode porteri possent. Ita namque tractat. Schekal. cap. II. Misch. i. *Constat siclos in Darbonoth propter onus via.* Ubi Rambamus ; Darbon continebat duos סלעם siclos sacros. Dicitur itaque, quod constati sint sicli, qui ex argento erant, in denarios hos aureos, denarius aureus etiam usurpatur pro quavis moneta aurea) ut levius esset onus eorum. Dicimus VI. Hujusmodi Darbonem aureum credo fuisse staterem, quem Christus in ore piscis creavit, & Petrus inde extraxit: δίδραχμα autem a Christo exacta fuisse שקלים siclos, qui etiam Hebræis in hoc negotio dicti, quod plerumque numerarentur in siclis profanis non sine pretio permutationis (cum etiam integer siclus sacer permutatus Collybum debuerit) & siclo profano æquivalerent, b. e. dimidios siclos sacros in valore, si non in specie; cujusmodi quatuor didrachma fecerunt staterem. Quod de statere hic diximus, ipsi rei gestæ valde congruum est, & statutis Hebræorum. Rei gestæ; nam non probabile est, quod Petrus tam magnum piscem hamo extraxerit, ut monetam, argenteam, quæ aliquot δίδραχμα valeret, in ore suo contineret, & tamen cibum ex hamo pendentem captare, & captatum cum hamo tenere posset. Neque enim hamo tam magni capituntur pisces. At si moneta aurea, Darbon, fuit, nemo dubitaverit, quin id fieri potuerit. Statutis vero etiam Hebræorum : Juxta quæ hac ratione nec Christus, nec Petrus ad Collybuni tenebatur. Non tenebatur

ratio-

ratione monetæ, quæ optima & gratissima collectoribus, ut permutare ficos opus non haberent. Nec tenebatur, quod in uno nummo pro duobus darentur fici seu *διδραχμα*, nam Petro Christus donabat partem, non mutuo dabat, in quo casu nullum debetur Collybum, vi Miscn. 7. cap. 1. tract. Schek. in qua constitutum est, *Qui ficulum expolavit pro paupere, aut pro vicino suo, liber est* (a Collybo: ) *quod si mutuo illis dederit, tenebitur.* Petrus itaque si Darbon unum porrigens, dixit; Hoc Darbon est pro me & pro Magistro meo, qui mihi partem donavit alteram, nullum plane debebat Collybum. Ideo etiam in textu nostro nullius Collybi mentio fit, nec Christus plus Petrum dare iussit, quam præcise staterem. Posterius de didrachmis quod attinet, neminem video dissentientem. Equidem *Ludovicus de die* annotavit, quod si *διδραχμα* fumerentur in eo usu, qui fuit LXX. Interpretum, notatura essent ficos sacros integros. Sed annotavit tantum, non asseruit. Non dubito, quin Matthæus, si Hæbraice loqui voluisse, dicturus fuisset; Accesserunt, qui *διδραχμα* ficos accipiebant: qui fici per totum tractatum Schekalim nihil aliud sunt, quam fici profani, aut dimidii fici sacri, ratione valoris: sive ficus dimidius sacer in specie daretur, sive in æquivalente cum Collybo.

§. 17. Hæc de Didrachmis hætenus, & statere. Sed jam considerandum venit, *Quid sibi velit, quod Matthæus non in singulari διδραχμον scripsit, sed in Plurali διδραχμα?* Ita namque habent verba ejus: *Et accesserunt οἱ τὰ διδραχμα λαμβάνοντες, qui didrachma accipiebant, ad Petrum, & dixerunt; Magister uester nonne solvit τὰ διδραχμα?* Ubi his habemus *διδραχμα* pluraliter. Si priore loco tantum, non posteriori, plurali usus fuisset, res facile expediri potuisset: Sed in posteriori loco difficultas major est, *Ludovicus de Die* ita solvere nodum conatur; *Accesserunt ad Petrum qui accipiebant τὰ διδραχμα, in plurali, habitat ratione multorum, a quibus accipiebatur, quorum unus quisque pendebat unum didrachmum. Similiter; an Præceptor uester non solvit τὰ διδραχμα: in plurali*

*plurali rursus, ut tantum Christi sed & discipulorum intelligatur.*  
*Syrus tamen intellexit secus, qui vertit; Magister vester non dat*  
 תרין דראכמין *duas drachmas suas? id est, τὸ διδραχμὸν αὐτοῦ.* Alii, quos  
 vidi, non multum curant: prætereunt enim. Verum non leve  
 hoc esse puto. Quod *Ludovicus de Dieu* hic dicit, non videtur sa-  
 tis facere. Nam 1. diversimode unam eandemque phrasin inter-  
 pretatur in continuo contextu: ut priori loco multi homines,  
 h. e. tota multitudo, quæ ad Capernaïticam collectam pertine-  
 bat, intelligatur, posteriori certi quidam homines. Atqui hoc  
 in casu potius dicendum fuisset; Magister vester annon solvit  
 διδραχμὰ ὑμῶν, didrachma vestra? Sic namque non amplius abso-  
 lute, ut priori loco, sed de certis quibusdam personis accipi po-  
 tuisset. 2. Posterioris loci interpretatio, quam de Dieu dat, est  
 contra veritatem historicam. Nam Petrus concessit, quod illi  
 volebant, dicens; *Etiam.* Atqui mens Petri sine dubio non fuit,  
 quod Christus pro omnibus suis discipulis solveret. Christus ve-  
 ro etiam non solvit, nili pro se & Petro; ostenditque, quod pro  
 Petro solveret, ex abundanti esse. Quare illud admittere quod  
 pro Petro solveret, ex abundanti esse. Quare illud admittere  
 non possumus. Arbitror, quod Syrus Interpres observaverit  
 istud ipsum, atque ideo suffixum pronomen addiderit, *duas*  
*drachmas suas.* Sed idem Syrus cum pluralem numerum non  
 capere posset, vertit, quasi esset singularis: cum tamen priori loco  
 in hanc mentem transtulisset; qui accipiebant binas drachmas  
 h. e. duas a quolibet viri Capite. *Piscatur*, quasi desperans, cre-  
 do, annotat breviter, videri sibi utroque loco legendum esse,  
 τὸ διδραχμὸν didrachmum. Arabs vero vocem mutavit, & vertit  
*Tributum.*

§. 18. Quod plerique negligunt Commentatores, & isti eo  
 quem dixi, modo aut vertunt, aut exponunt, inde mihi videtur  
 factum, quod pro certissimo habebant, a Christo plus postulatam  
 non esse in caput ipsius, licet alias quoque a quolibet capite, quam  
 unum didrachmum. Atqui hoc certum non est. Quid enim?  
 li for.

si forte tempore Christi adhuc factum fuisset, quod post capti-  
 tatem Babylonicam institutum fuisse, legimus Tr. *Schekal*. cap. II.  
 Misch. 4. *Quum ascendissent Israelitæ ex captivitate Babylonica no-*  
*mine sistorum, dederunt Darbonoth, b. e. duos sicos sacros: postea,*  
*nomine sistorum, dederunt Selaim, b. e. sicos sacros integros: deinde*  
*vero dederunt יְדֵיָדִים dimidios sicos sacros. Quæ verba Maimoni-*  
*des ita interpretatur; Quum ascenderunt e captivitate (Babyloni-*  
*ca) nomine sistorum dederunt Darbonoth, b. e. duos sicos sacros;*  
*Vult dicere, quod moneta eorum usitata fuerint Darbonoth (duos*  
*sicos sacros valeres, & tum nomine sici dederit quilibet homo pro*  
*dimidio sico sacro, integrum siculum sacrum, &c.* Nam non alligati  
 erant ad dimidium siculum (quod citata Mischna vult) sed potue-  
 runt plus imponere pro necessitate temporum & templi egesta-  
 te. Quid ergo? inquam: si forte tempore Christi idem factum.  
 Et nos sane simile quid factum esse, vel ex nostro ipso loco, colla-  
 ta temporum historia, quam in scriptura habemus, statuimus, &  
 infra pluribus exponemus. Ut quid enim non in litera Scriptu-  
 ræ manebimus, ubicunque possumus (Possumus autem hoc lo-  
 co; ut explicabitur. Retinemus itaque pluralem numerum  
*διδραχμα*, & ratione formæ, nec mutamus in *διδραχμου* cum Pesca-  
 tore & Syro, & ratione significationis, ut plura *διδραχμα* denotet:  
 quæ quidem a singulis personis accepta sint, & a Christo etiam  
 exacta. Observamus autem simul regulam, quæ etiam Hebræis  
 in explicatione verborum recepta & usurpata est, quod quando  
 pluralis numerus absolute positus sit, & multitudo tamen aliqua  
 indicetur, de duobus accipiendus sit: Nam si major numerus in-  
 tellectus fuisset, is procul dubie additus fuisset. Exempl. habebis  
 tract. kerit. c. i. M. ult. sic ergo jam etiam nostro loco; Accesserunt  
 qui bina *διδραχμα* accipiebant ad Petrum, & dixerunt; Magi-  
 ster vester nonne solvit bina didrachma? Ut sensus hic sit: acces-  
 sisse ad Petrum eos, quorum pro more & officio ipsis commisso  
 erat, ut a singulis virilibus capitibus bina didrachma exigenter, &  
 acciperent, eosdemque ad Petrum dixisse, nonne Magister vester  
 sol-



solvere hactenus solitus est & hac etiam vice soluturus est pro suo capite bina didrachma, quæ quilibet virilis ætatis pro suo capite pendere debet?

§. 19. Sed jam tandem etiam exponendum est, cui nam & quo nomine *didrachma* bina data fuerint; Deone, an Cæsari; in usum templi, an in tributum; ubi diversæ sunt Interpretum sententiæ: Omnes quidem in hoc fundatæ; quasi quodlibet virile caput unicum tantum didrachma solverit, nec plus exactum sit. Prima est sententia Chrysostomi, Euthymii, Theophylacti, qui statuunt didrachmum esse illam pecuniam, quæ exacta sit a ducentis septuaginta tribus illis primogenitis, qui numerum Levitarum excefferant, de quibus ita scriptura Num. III. v. 46. 47. *Quod autem ad redimendos illos ducentos septuaginta tres, qui redundant supra Levitas ex primogenitis filiorum Israelis, accipies quinos sicles pro quoque capite: prout est sicles sacer accipito, viginti obolorum est sicles ille.* Hanc pecuniam existimant illi insecutis etiam temporibus a primogenitis quibusque datam esse, & hoc loco non tantum a Christo, sed etiam a Petro, qui solus ex Apostolis primogenitus fuerit exactum esse. Sententiam hanc Theophylactus breviter his verbis complexus est. *Deus pro primogenitis Hebræorum voluit consecrari sibi tribum Levi, viginti duo millia. Primogeniti autem ciliades viginti due ducenti, & septuaginta tres: Pro his igitur, qui erant extra tribum Levi, & primogeniti erant, decrevit Deus dari didrachmum sacerdotibus, qui est quinque sicles, hoc est, ducenti oboli.* Unde, quia Dominus primogenitus erat, & ipse pendebat. Hac vero de sententia Maldonatus ita judicat; Chrysostomus, Euthymius & Theophylactus, existimant, hoc fuisse tributum, quod Judæi jussi sunt Domino dare Num. III. v. 46. 47. propter eos primogenitos, quibus ceteræ tribus Leviticam excedebant. Quod ne probabile quidem est. Illud enim tributum, non nisi semel, & non nisi a primogenitis, & non nisi a ducentis septuaginta tribus, solutum est, quibus tum inventa sunt reliquæ tribus Levitarum tribum superare. Et post; Chrysostomus & Euthymius respondent tributum il-

*Iudæa solis primogenitis fuisse solvendum. Petrum autem primogenitum fuisse. Quæ opinio etiam ex eo refutari potest, quod inter alios etiam Apostolos aliquos etiam primogenitos fuisse credendum est.* Non inepta sunt Maldonati argumenta : nec video alios hodie illi sententiæ subscribere ; quin pluribus etiam argumentis impugnari posset. Unde enim probabitur, quod uspiam apud Hebræos didrachmum fecerit quinq; siclos sacros? Vnde, quod stater decem siclos? Vnde, quod quinqve sicli sacri habuerint ducentos obolos? sed nolumus prolixè refutare.

§. 20. *Sententia II.* est quod didrachmum fuerit quotannis solutum Capernaumi pro portorio. Quandoquidem enim sapius lacus Genesareth sive mare Galileæ ibi trajiciendum per annum fuerit, ne, quoties trajiceret quis, solvere aliquid cogere-tur, constitutum didrachmum in annum ; quo soluto, quivis per annum liber fuerit, quotiescunque etiam trajiceret. Sententiæ hujus meminit Calvinus, h. l. & breviter perstringit ; *Erat, inquit, non vectigal, quod exigi solet in trajectu, sed annum tributum Judæis impositum in singula capita.* Sane non video, quæ ratione sententia hæc se tueri possit: potius videtur mera esse conjectura, cui quicquam non tribuendum.

§. 21. Restant duæ sententiæ potissimæ, Tertia & Quarta. Tertia est, didrachma a Christo exacta esse siclum sacrum, qui tempore paschali solvendus fuerit omni masculo a viginti annis usque ad quinquaginta ; primo Tabernaculo Mosaico, deinde Templo Hierosolymitano : quod de in Talmude integer tractatus, Schekalim dictus, habetur ; & cujus sive fundamentum, sive præceptum habetur Exodi XXX. v. 12, 13, 14. cum dicitur ; *Quum recensitis summam filiorum Israelis per numerandos eorum ; tum dabunt quisque redempturam vitæ suæ Jehovæ, numerando eos : ut non sit in eis plaga, quam numerabis eos.* Hoc danto, quisquis transit in numeratos, dimidium sicli, pro-ut est siclus sanctus : Viginti obolorum est hic siclus : dimidi-um sicli oblationem Jehovæ. Quisquis transit in numeratos

a nato viginti annos, & supra, dato oblationem Iehova. Hunc didrachmum siculum vocatum esse διδραχμον, & hunc a Christo pro se & Petro solutum. Multi sunt, qui huic sententiæ subscribunt: alii tamen aliis modestiores. Est ex Pontificiis quidem Baronius Tom. 1. Ann. ad ann. 33. num. 31. Habent eam etiam ex Calvinianis Glossa Belg. h. l. & Diodatus h. l. qui existimat, sub Imperio Romano Iudæos religiosos voluntario didrachma templo dedisse. Lightfootus hor. Hebr. ad h. l. eam rationibus duabus confirmat. De Heimsiclo, inquit, annuatim penso in ararium templi hoc esse intelligendum duo svadent. 1. Ipsum vocabulum, quo census hic vocatur, διδραχμα, &c. 2. Responsio Christi satis arguit de hoc censu agi, cum se dicit esse filium istius Regis, in cuius usumpensio ista exigebatur &c. Subjungit tamen; Si vero cuiquam libet hoc de tributo Romanis pensando intelligere, nos non contendimus. Adscribitur eadem hæc sententia ex veteribus Hilario: cuius in h. l. hæc sunt verba. Dominus didrachmum solvere postulatur: hoc enim omni Israeli lex pro redemptione animæ & corporis constituerat in ministerio templi servientium. Illud, quod dicit pro redemptione animæ & corporis forte desumptum esset ex eo, quod apud Mosen dicitur; Ut non sit in eis plaga; nisi additum esset hoc; in ministerio templi servientium. Forte dicere voluit; in ministerium templo servientium: quamquàm nec hoc subsisteret. Contra impugnatur hæc sententia 1. Quod non fuerit tempus Paschale, quo sicli templo solvendi fuerint. 2. Nec decimus quintus dies mensis adar, quo sicli colligi ceperunt. 3. Christus expresse de Regibus terræ Petrum quærat: atque adeo de censu Regis terræ, h. e. Cæsaris locutus sit. 4. Matthæus utatur voce Romana κῆσος, h. e. census. 5. didrachmum templi non in Capernaum, sed in templo Hierosolymitano solvendum fuerit.

§. 22. Quarta vero sententia est, quod διδραχμον hic sit intelligendum Cæsari solvendum: atque adeo Christus etiam Magistratui Politico tributum dederit. Sententia hæc est Hieronymus.

in h. l. qui annotat ; *Post augustum Casarem Iudaea facta est tributaria, & omnescens capite ferebantur. Unde & Joseph cum Maria Cognata sua profectus est in Bethlehen. Rursus quoniam nutritus erat in Nazareth, quod est oppidum Galileae Capernaum Urbi subjacens: ex more poscunt tributa. Eandem sententiam habuit etiam Irenaeus Hieronymo longe vetustior lib. V. de Hæres. cap. 24. Propter hac, inquit, & tributa prastatis (potestatibus secundum homines: ) ministri enim Dei sunt in in hoc ipsum servientes. Hoc autem & Dominus confirmavit, non faciens quidem, quod a Diabolo suadebatur, tributorum autem exactoribus jubens pro se & pro Petro dare tributum. Ex hac etiam sententia disputat Augustinus quæst. Evang. lib. 1. q. 23. Quod dixit (Dominus) ergo liberi sunt filii; In omni regno intelligendum est liberos esse filios, id est, non esse vectigales. Multo ergo magis liberi esse debent in quolibet regno terreno filii regni illius, sub quo sunt omnia regna terra. - Subscribit huic sententiæ Maldonatus h. l., Multo, inquit verior est Hieronymi, & Bedæ sententia, qui existimant, hoc vectigal illud esse, quod Augustus Judæis imposuit, cum jussit, ut universus orbis describerentur. Luc. II, 1. Vero similis ejus rei conjectura est, quod Vespasianus expugnavit postea Hierosolymis tantum Judæis imposuerit tributum, quantum antea templo solvebant, ut Joseph. lib. 7. de bell. Jud. cap. 26. autor est, & est credibile, Vespasianum illud ipsum tributum, quod Augustus imperaverat, & a quo sese Judæi rebellando exemarant, illis ubicunque, ut ait Josephus, terrarum essent, reposuisse. Sequitur etiam Jansenius Harm. Evang. cap. 69. Barradius lib. 10. Harm. c. 32. Salmeron tom. 6. tr. 37. Bellarmin. etiam in hac sententia fuit in edit. in Octav. lib. 1. de Cleric. c. 28. ubi inter alia ad Matth. 17. respondet: Dico Dominum loqui de seipso tantum; facit enim hoc argumentum: Filii Regum liberi sunt a tributis, quia nec solvunt parentibus suis, cum sint communia parentum & filiorum bona; nec aliis Regibus, quia eis non subsint; At ego filius sum primi & summi Re is, igitur nulli hominum tributum debeo. Eadem hæc est sententia nostratum communis. D. Hunnius in h. l. Didrachma fuit*

*moneta valore suo æquans quadrantem floreni, & solvebatur Romano Imperatori, cujus nomine erant constituti, qui exigebant.* Conf. *Lyser. in Harm. ad. h. l. D. Gerbard. Tom. 6. LL. CC. §. 443.* Consentiant ex Calvinianis plerique, *Calvin. Harmon. h. l. Aretius in h. l. Pellican. in h. l. Beza in h. l. Fr. Jun. ad Tremell. Vers. Syr. Piscat. ad h. l.* Et præfert etiam *Pareus ad h. l.* Objicitur huic sententiæ, 1. Quod Cæsari tempore Christi non fuerit solutus nisi denarius *Matth. 22. v. 19. 2.* Everso demum templo didrachmum a Vespasiano Judæis impositus sit teste *Josepho. l. 7. bell. Jud. c. 26. 3.* Quod census Augusti *Luc. II.* fuerit bonorum, & semel dandus.

§. 23. Verum enimvero duarum harum sententiarum neutri Autores adversantes, sibi sufficienter refutant. Nam argumenta, quæ priori de siclis templo solutis objiciuntur, infirma sane sunt omnia. Nam ad 1. non fuisse tempus Paschatis, propter quod se non parum torquet *Lightfootus*, respondemus, sufficienter demonstratum supra ad Quæst. 1. de tempore hujus historiæ, quod omnino tempus Paschatis. Ad 2. siclum colligi ceptum a decimo quinto die mensis Adar, respondemus, verum istud esse de provincialibus urbibus, & hanc historiam post istum diem contigisse, antequam Dominus Hierosolymam ascenderet: quatuor namq; septimanas ab isto die ad Paschâ usque numerabant. Falsa itaque est præsumptio, quasi alio tempore hæc historia accidisset Ad 3. quod Christus Regum terræ filiorumque eorum meminit, non concludit ad onera Regum terræ tantum, sed ad quodvis onus subjectionis, quod filii non tenentur sustinere a patre impositum. Diligenter itaque argumentatio Christi observanda, quæ hæc est; Si filii Regum hujus terræ liberi sunt a censu & tributo, quod Patres eorum subditis imponunt: quanto magis ego filius Regis cælorum naturalis liber sum a quocunque censu, tributo, onere, quod ille subditis suis, hominibus inprimis, imponit, sive velit Magistratui Politico aliquid dari, sive Templo, h. e. sive in spiritualibus fuerit, sive in secularibus. Unde 4. etiam responsio ad quartum de census vocabulo Romano patet. Insuper hoc positum est in antecedente, de filiis Regum hujus sæculi, non in con-

in conſequentē de Chriſto, filio Dei. Nec ſolum poſitum eſt hoc vocabulum, ſed additum, *τέλος*, *tributum*, quo etiam Joſephus uſus eſt de ſiclo, qui templo ſolvebatur lib. 7. B. J. cap. 26. *Quemadmodum*, inquit, *prius pro templo in Hieroſolymis ſolveretur, contri- buerunt.* Ad 5. quod Salmeroniſ eſt, in templo Hieroſolymita- no tantum, non in Capernaum fuiſſe ſolutos ſiclos templi, re- ſpondemus, Salmeronem forte iſtud ſcripturum non fuiſſe, ſi legiſſet Miſchn. 3. cap. 1. *Schekalim* : *Die decimo quinto* ( menſis ) *Adar, menſe* ( colligentium ſiclo ; ) *sunt poſita in provincia* ( extra Hieroſolymam : ) *ſed die vigefimo quinto demum ſunt poſita in ſan- ctuario* ( Hieroſolymis. ) Si forte etiam obijciatur, in Galilæa & alibi per tributum Romanum ſolutos ſeu liberocfactos a tri- buto Templi : nolumus cum Diodato reſpondere, religioſos tamen ſponte dediſſe, ſed dicimus, eſſe meram conjecturam, ex eo deſumptam, quod Collectores quaſi libertati Chriſti rem per- mittentes dixerint, *Nonne Magiſter veſter ſolvit didrachma?* Per quod vero enervatur Chriſti de filiis Regum dictum ; quo opus non fuiſſet, ſi quivis Iudæi fuiſſent liberi, nec quicquam niſi ſpon- te dediſſent. Si quis pro Diodato forte allegaverit, quod in Tract. *Nedarim* cap. I. Miſchn. 4. habetur ; *Viri Galilææ non agnoſcunt Tbru- mam conclavis* : ablegandus erit ad Gloſſam R. Salomonis, ubi lon- ge alius ſenſus oſtenditur. Jam quod alteri ſententiæ obijcitur, 1. Cæſari tempore Chriſti non niſi denarium ſolutum eſſe, bene ſolvitur, non de quantitate cenſus, ſed de moneta ejus ſermonem ibi eſſe. Sapientiſſime Chriſtus petiit oſtendi, cujuſmodi eſſet moneta cenſus, ut convinceretur inde, Cæſari non dari rem divi- nam aut Deo conſecratam, ſed profanam, quæ alias ad Cæſarem pertineat, & a Cæſare originem habeat. Itaque Chriſtus non loquitur de quanto, ſed de quali. Quod 2. obijcitur, verſo de- mum templo didrachma, quod alias templo ſolutum, a Veſpaſia- no, ut in Capitolum conferretur, impoſitum eſſe: id majorem ſane habet ſpeciem. Communiter autem reſpondent cum Mal- donato ſupra, Veſpaſianum non impoſuiſſe novum tribu- tum, ſed vetus, per rebellionem non ſolutum, renovaviſſe :

vel extensum esse, ut, antea in Judæa tantum solutum, tunc a Iudæis, ubicunque terrarum essent, solveretur. Quod num satisfaciatur, dubito. Nam Iosephus id vult, quod prius, templo solutum, a Vespasiano in Capitolium translatum esse. Forte hoc coegit Diodatum, ut statueret, per didrachmum ab Augusto impositum, & tempore Christi adhuc datum, liberos factos Iudæos a siclis templi, ut non solverent, nisi qui ultro vellent. Sed hoc factum non esse, supra jam ostendimus. Nos ad hanc objectionem de tributo Vespasiani respondemus. (1.) omnino novum fuisse, & prius Iudæis inauditum, summeque ignominiosum: dum illud ipsum didrachmum, quod usque ad Vespasianum a Romanis Imperatoribus, stante Templo Hierosolymitano, Templo relictum, a Vespasiano post eversum Templum Iovi Capitolino donatumque est. Expresse hoc habet *Xiphilinus* in Vespasiano ex Dione, cum scribit καὶ ἐπ' ἐκείνῳ διδραχμὸν ἐτάχθη τὰς τὰ πάτρια ἔτη περιελλόντας τῷ Καπιτωλίῳ δι' κατ' ἐξ ἀποφάσεων: *Ab eodem Dito* (ut *Blancus* vertit) *jus si quotannis didrachmum pendere Iovi Capitolino ii, qui patrias eorum leges tuerentur.* Hoc bene nobis Iosephus de B. I. lib. 7. c. 26. exponit, quod idem διδραχμὸν fuerit, cum eo quod olim pro templo Hierosolymitano contributebatur: sed quando simpliciter dixit, εἰς τὸ Καπιτώλιον, in Capitolium delatum, videtur pepercisse famæ populi sui, quod rem Deo vero alioqui destinatam Idolo gentium dare cogerentur. Nec sine causâ hoc fecisse puto. Nam argumentum est cultus V. Testamenti plane destructi & abrogati. Alioqui Deus non permisurus fuisset, ut Idolo sibi debitum consecraretur, & a populo suo cultus Idololatricus quodammodo adjuvaretur: Cum Belsazer impune non tulerit, quod vasa templo consecrata in convivio adhibuisset: Dan. V. Sed (2.) census seu tributum quod tempore Christi datum fuerit, non tantum ex historia profana notum est, sed infallibiliter habetur Matth. XXII. ut negari non possit. Hoc tributum impositum fuit, non loco siclorum templi, sed ad exemplum siclorum templi. Quemadmodum nimirum populus Iudaicus alias liber, quasi in recognitionem, quam vocant, dominii cœlestis siclos dabat: sic in

in recognitionem dominiis terrestris tantundam dare debebant. Digitum in hoc intendisse videntur ipsi Pharisei, quum Matth. XXII. quæsierunt, liceret censum Cæsari dare nec ne? Nam ut ex responsione Christi, *Date Cæsari, quæ sunt Cæsaris, & Deo, quæ sunt Dei*, colligere datur, argumentum dubitandi eorum hoc fuit, quod Deo darent tanquam subditi siclos suos; cum quo non consistere posse videatur, juxta Deum se subicere per similem censum Cæsari. Tributum hoc valde exiguum videtur, ab Augusto propterea ad exemplum siclorum templi impositum, ut hoc æquius appareret Iudæis, & æquiori animo ferretur. Quandoquidem enim de Tyrannide conqueri non solebant, quod tantum a Deo ipsis impositum: pro tyrannide ab iisdem haberi non poterat, quando tantundem a Cæsare peteretur. (3.) Hoc tributum seu census vetus videtur mihi plane cessasse everso templo. Ratio est, quod non impositum nec datum fuit, nisi tanquam ad incolis terræ Canaan a Cæsare subactæ: quemadmodum in aliis terris incolæ tanquam incolæ, suum pendebant Romanis tributum. Itaque postquam Iudæis urbs & terra ademta, tributum hoc illis non amplius incumbebat. Hæc causâ quoque esse videtur, quare Iosephus post templum eversum non nisi tributum a Vespasiano impositi mentionem fecerit, & ab eo hoc a Vespasiano impositum distinxerit, quod Iudæis ubicunque terrarum essent, impositum scribit. Sane hoc velle videtur, quod Vespasianus novum tributum imposuerit, quod non in terra tantum Israhel, ut vetus, solveretur, sed ubique terrarum Iudæis penderetur, essetque non ad exemplum siclorum, sed loco eorum injectum. Quod 3. objicitur censum Augusti Luc. II. fuisse bonorum, non capitum, & semel tantum, non quotannis, solvendum: ad id respondemus, non refutare sententiam ipsam, sed sententiæ tantum circumstantiam. Certum namque est, quod tempore Christi Matth. XXII. tributum adhuc dandum fuerit, siue fuerit unum idemque cum eo, quod Luc. II. habetur, siue diversum. Et si utique diversum fuit (de quo nolumus contentere,) probabile tamen est, quod eodem tempore, quo descriptio bonorum facta, & census de iis sumtus, in postera tempora census capitum annus



annus simul indictus, & usque ad everfionem templi continuatus fit.

§. 24. Cum itaque sic se res habeat, & utraqve sententia cum verbis textus consistere queat: nos non videmus, quare non sit utraqve conjungenda. Argumentum 1. quod suadet, ex ist hoc ipso sumitur. Nam scriptura tam late accipienda est, quam late potest: quæ alias est regula bonæ interpretationis. Atqui, ut ostensum, scriptura hujus historiæ utramque istam sententiam admittit. Ergo. Addimus 2. argumentum, quod duo ista, quæ in duabus his sententiis dicuntur, aliqui per consequentiam tamen sequerentur. Nam si posueris, agi in historia de tributo Cæsaris, promissi est concludere; si filius Dei, etsi filius esset, ex hoc fundamento non voluit se liberum facere a tributo Magistratui civili pendendo: utique ex ist hoc quoque fundamento a legibus & oneribus Ecclesiasticis se liberare & eximere noluit. Atqui prius est. Ergo & posterius. Ratio consequentiæ est, quia qui ejus conditionis, ut uni generi legum sit subjectus, alteri quoque subjectus erit. Si leges Ecclesiasticæ ab ipso Deo fuerint ordinatæ, major debetur illis subjecto, quam legibus humanis. Contra si posuerimus, Christum per hoc, quod Filius Dei esset, non voluisse se liberum facere a legibus Ecclesiasticis, sequitur, quod nec a legibus politices. Fundamentum idem est: nemo namque negaverit, quod non tantum legibus Ecclesiasticis, sed & politicis obediendum sit: nec quisquam hic eximi possit, nisi ex singulari ratione, privilegio, jure; quò vero Christus uti noluit. Sed & 3. argumentum ipsa verba historiæ subministrant. Postulabant exactores non διδραχμον unum, sed διδραχμα, ad minimum duo. Atqui soli templo non solvebant duo, sed unum didrachmum. Nec Imperatori Romano plus. Quis namque crediderit, plus impositum fuisse, cum nondum rebellassent, ab Augusto & cæteris Imperatoribus, quam, postquam rebellaverant, a Vespasiano impositum est? Literæ itaque historiæ tum demum satisfit, quando & solum templi & solum Imperatori Romano solum conjungimus, & utrumque a Christo tum postulatum, tum datum esse dicimus.

§. 25. Atque hæc *nostra* quoque est *sententia*; nempe, venisse exactores non tantum sicuti Templo solvendi, sed & census Imperatori Tiberio danti ad Petrum, & te utroque Siclo seu didrachmo quæsisse, annon Dominus Jesus solveret: quia Domino jussus, ut ejecto hamo captum piscem traheret, & inventum Staterem, quatuor *διδραχμα* continentem vulgaria, vel duo sacra, pro utroque, Christo & Petro, solveret. Hanc nostram sententiam declaramus. Et i, quidem annotamus, censum Imperatoris Romani non per publicanos, aut per alios Imperatoris ministros exactum aut collectum esse, sed toti populo Judæorum indictum, ut hic viritim conferret atque colligeret, atque tota census collecti summa præfecto Imperatoris aut ministris ejus, quos constitueret ad hanc rem, exhiberetur. Non videbitur hoc absurdum ei, qui consideraverit descriptionem Luc. II. factam. Hanc namque ab Augusto edictam & mandatam fuisse, Judæos tamen eam executos esse per suos *ἀρχοντας* seu principes populi, ut Imperatori nomina numerumque descriptorum, & descriptionis censum exhiberent, aut præfecto Imperatoris, ex eo constare puto, quod descriptio ex consuetudine Judæorum, qua quævis familiæ in suis civitatibus, e. g. familia Davidica Bethlehemi, convenirent. Sane ut convenirent, ab Imperatore imperatum: ut hac ratione convenirent, non nisi instituto & consuetudini ipsorum Judæorum adscribere possum. Nam sine dubio Romani de hoc conveniendi & describendi modo apud alias gentes inusitato nihil sciverunt. Quod si hoc in negotio gravissimo tantum permissum fuit Judæis; quanto ergo magis deinceps consueti annui census collectio illis relicta est; Jam existimamus, Judæorum Principes & pontifices commodius tempus colligendi census Romani deprehendere non potuisse, quam istud ipsum tempus, quo sicuti Templi colligebantur. Fieri namque tum poterat, ut sine omni majori labore & sumtu collectio fieret ex parte colligentium, quippe qui alioqui sicuti Templi tum Hierosolymis, tum in provincia per aliquod septimanas colligebant; & populus Judaicus assuetus erat, ut in istud tempus nummos seponeret, quos templo tribueret: collectores insuper sicuti paschali

tempore ex tota provincia Hierosolimam deportabant, & Templo offerebant; sic una fidelia, quod dicitur, duos parietes dealbare poterant. Forte nemo negabit, hac commoditate Judæos in colligendo censu Romanorum usos esse: maxime cum Hierosolymis esset Præfectus Romanus, cui statim census a collectoribus allatus, dari poterat. Videtur mihi hæc fuisse occasio pharisæis & Herodianis, Matth. XXII. quam arripuerint ad tentandum Christum circa censum Romanis dandum tempore Paschali: nimirum id ipsum tempus erat, quo ex more census dandus erat; ut, si Christus, censum dandum, negasset, per totum annum majoris scandali & periculi esse non potuerit, quam isti hoc ipso tempore. Unde accusandi Christi homines nequam occasionem optimam habuissent. Forte vero etiam Judæorum Principes, qui censum Romanum inviti agnoscebat, eludere, aut populo saltem, qui libertatem suam mordicus tenebat, persuadere voluerunt, & hoc intenderunt, ut dicerent, non vere se censum dedisse, & suam libertatem amisisse, sed duplos siclos, quod olim (ut supra ex Tr. Schekal. annotavimus) Patres sui etiam fecerint, populo in usum templi collegisse, quorum partem Romani per sacrilegium ad se rapuerint. Quid? si dicamus ad hunc prætextum digitum intendisse Joh. VIII. v. 33. *Semen Abraham sumus, & nemini servivimus unquam.* Nam si censum Romanum pro vero subjectionis censu agnovērunt, & non quodammodo eludere voluerunt, insaniverunt, dum se nunquam servivisse affirmarunt. Sunt qui putant, censum per publicanos collectum, qui non parum saluntur; longe enim aliud publicanorum officium erat 3. Istæ duo si observaverimus, plana erit nostra historia. Nimirum (1.) Christus paulo ante pascha venit in Capernaum, ubi suum habebat domicilium, relicta Nazareth Matth. IV. v. 13. & quoniam sicli per urbes istius hoc tempore ab incolis colligebantur, solvendus ibi erat, sicut cum censu simul collecto. Neque enim probo, quod quidam putant, ideo a Christo exactum siclum & censum, quod Nazareth ad Capernaum pertinuerit. (2.) Collectores, qui non tantum suas mensas ponebant in urbibus, juxta cap. I. Misch. 3. tractatus Schekalim, ut accederent ad ipsos, qui siclos dare vellent, sed

sed potestatem etiam habebant exigendi, imo pignus capiendi, juxta eundem tractatum cap. I. Mischna itidem tertia, accesserunt ad Petrum, & monuerunt per eum Christum de dandis duobus *διδραχμαῖς*: quorum unum erat revera Templo Hierosolymitano, alterum censui Romano; sive nomina collectores distinxerint, sive non distinxerint, quod utrumque jure Templo cedere deberet, alterum a Romanis raperetur. (3.) Petrus, rei non ignarus, sciebat, Dominum suum promte semper numerasse *διδραχμὰς*; ideoque affirmative collectoribus interrogantibus de Domino respondit, nec Domino, qui intra domum erat, indicare dubitavit. Dominus (4.) Petro quidem, se non debere de jure quicquam, ostendit, ad vitandum tamen scandalum jubet hamum in mare jaccere, cum promissione, fore, ut in ore primi extracti piscis in veniat staterem h. e. quatuor didrachma, in moneta aurea Darbon & Darkon dista, quam dare deberet pro Domino ipso, & pro Petro. Petrus (5) tanta tamque liberali promissione magis instigatus, suscipit Domini jussu, & fiunt, quæcunque Dominus dixerat.

§. 26. Postquam hæc ita sunt exposita, videndum nunc porro est, cujusmodi sit Domini Jesu argumentatio, pro suo immunitatis jure, quo liber, tam a fisco templi, quam a censu Romanorum. Antequam Dominus argumentetur, suæ omniscientiæ coram Petro edit specimen. Nam cum Petrus in ædes intraret, nec dum quicquam dixisset, Dominus gnarus omnium, quæ fortis dicta & gesta sunt, cum nec humano more vidisset, nec audivisset, incipit de re colloquium cum Petro. En! Dominum omniscium. Interrogat autem Petrum, dicitque: *Quid tibi videtur, Simon? De jure quærit potius, quam de facto.* Nam de factis tentatur scientia potius, non sententia. Christus autem exquirat hic sententiam Petri. Ergo si utique aliter alicubi factum fuisset, argumentationi Christi non obstaret, quam ille hic superius fundat. Sed tamen item in facto apud gentes deprehendebatur. *Reges terra*, pergit Dominus, *a quibus accipiunt tributa, aut censum? filiis suis, an alienis?* Ubi extra dubium erit, quod Dominus de filiis Regum propriæ sic dictis, non metaphoricis loquatur, per alienos non intelligat eos, qui extra regnum & subditi non sunt, sed qui extra

tra domum, & non filii proprie sic dicti, subditi tamen. De voce ἀλλοτρίων multa hic habet *Erasmus Schmid* ad h. l. si videre placuerit magis, quam nobis exscribere. Quoniam etiam Dominus non tantum census, sed etiam τελων, tributorum quorumque meminit, haud obscurum erit, quod in genere de quibusvis subditorum oneribus, quocunque nomine veniant, loquatur. Respondet Petrus; *Ab alienis*. Ergo, infert Dominus, *liberti sunt filii*, nimirum ab omnibus ejusmodi subditorum oneribus & quidem jure filiationis, seu propterea quod filii sunt. Antecedens hic habemus, quod hoc erit: Reges terræ de jure tributa quævis & censum ab alienis seu subditis suis, qui filii proprie dicti non sunt tantum accipere debent; filii autem eorum proprie dicti, de jure ab omnibus ejusmodi oneribus liberi esse debent. At consequens per, Ergo, inferentum monstratur tantum per verba; *Ne scandalizemus eos*. Nam per hæc verba Dominus satis planum facit, inferendum, quod ipse de jure liber ab omnibus oneribus esse debeat, tanquam filius Regis. Ubi quando nonnulli de carne Domini cogitant, quæ ex Regis Davidis semine: enervare mihi videntur omnem argumenti vim. Nonne enim promptum fuisset excipere, antecedens loqui de Filiis Regum, qui regnent, non qui sub jugum redacti: Nam si Patres sub jugum redacti, quomodo filii liberi esse poterunt? Non itaque Filii possunt esse liberi, nisi ab omnibus, quæ Patres imponunt. Nec licebit respondere, ad domum David tamen adhuc dum pertinuisse de jure regnum mundanum. Nam non video, quomodo consistere possit, vel cum eo quod Christus censum Cæsaris tanquam justissimum approbavit Matth. XXII. Vel cum eo, quod a Pilato dicit, potestatem illi ex supernis datam esse Johan. XIX. Quare dicendum, quod Christus se Filium Regis cœlestis, h. e. Dei Patris faciat. Quod etiam ex hoc constare potest: Non dixit Dominus Petro cujus Regis Filius esset, ideo, quia Petrus jam habeat cognitum, essetque non necessarium ipsi exponere. At Petrus Christum agnovit pro Filio Regis cœlestis, Matth. XVI. v. 16. *Tu es Christus, Filius Dei viventis*. Unde nobis hoc nascitur sequens; Ergo multo magis ego, qui sum Filius Regis cœlestis, & summi, Dei viventis, ut tu nosti &

confessus es, Petre, pridem, liber sum de jure ab omnibus oneribus, quæ Pater meus subditis suis, sive angeli sint, sive homines, imponit, & nominatim quidem, quæ Judæis, meis secundum carnem consanguineis, imposuit, partim quando voluit siclos Templo dari, partim quando vult Cæsari subjectos esse, eique censum suum dare: atque sic de jure optimo, vi filiationis meæ summæ, his exactoribus tam siculum Templi, quam censum Cæsaris negare possem; sed memor sum spontaneæ meæ exinanitionis, qua me nemini scandalo, & aliis hominibus similem futurum esse, suscepi; ideo dabo ad vitandum scandalum &c. In hac argumentatione Christi nihil desideratum iri, & nihil desiderari posse confido.

§ 27. Unde jam gravissima *Pietatis puncta* ex nostra de Didrachmis a Christo solutis sententia discere possumus & debemus: præcipua saltem subjiciemus. I. *De persona Christi* habemus ex nostra historia, quod Christus non tantum homo verus sit, sed ipse etiam filius Dei naturalis & consubstantialis æqualis Patri suo, non inferior, ut præceptis tanquam subditus ligari nequeat. Afferit Christus, filium se Regis esse. Ostendimus autem, non loqui ipsum de ea origine, juxta quam filius Davidis, Regis Judæorum omnium maximi, erat, sed de ea origine, quam habeat per generationem a Rege Regum, Deo Creatore omnium. Libertatem namque juxta carnis suæ originem ex Davide Rege prætereundum non potuit, cum Imperii Romani potestas jam confirmata esset divinitus super universam Judæam. Et ejus Regis hoc est, Tiberii, cuius nomine census petebatur, Filius, ne quidem secundum carnem fuit; ut contra censum ejus ad jus Filii provocaret, non se censum illi debere, quod filium Regis, Patri suo Regi censum solvere, iniquum esset. Quare alius alicujus Regis Filium se affirmavit, ex cujus autoritate tum census Imperatoris, tum sculus Templi postulabatur. Is vero alius non fuit, nisi summus omnium Creator & Gubernator, qui omnem, qui in mundo est, Magistratum ordinavit, Rom. XIII. & Judæis eam, cujus vigore siculum petere poterant, tulit legem. Hujus se Filium Dominus dicit, utique naturalem & consubstantialem: sicut

de Regum hujus mundi filius, sine dubio naturalibus & proprie sic dictis quæsit; *Reges terra a quibus accipiunt tributa aut censum, a filiis, an ab alienis?* Ne quidem de filiis adoptivis hic cogitabit qui legerit: quippe qui gratiæ debent omnia, & sub variis conditionibus adoptari possunt. Et nos sane, qui credimus, summi Regiseriam adoptivi Filii sumus: neque tamen ex nobis quisquam dicere potest aut prætere, jure a mandatis & oneribus Patris hujus nostri nos esse liberos. Æqualis vero etiam Patri est, non inferior: nam mandatis Patris, quum dixit; *Omnis anima potestatibus supereminentibus subdita sit*, & quaneo præcepit, ut omne viri caput penderet Templo Hierosolymitano, ligatus esse non vult. Ergo oportet ipsum esse Filium, qui cum Patre mandata Patris facit, non autem mandatis Patris obstringitur. Egregium itaque hoc argumentum est, quod Jesus sit Filius Dei Patri suo æqualis. II. *De Statu Exininationis* docet nostra historia, quod Christus non de jure, sed ex mera libertate & voluntate, juxta quod homo est, humiliatus sit. O quanta humilitas illa fuit, quæ non tantum sub Deum se submisit, sed Romano quoque Imperatori subjecit! Intolerabile etiam Judæis hoc posterius visum est: nec tamen Filius Dei ab eo abhorruit. Sed ostendit tamen, eum se esse, qui non ex juris necessitate, sed ex voluntatis libertate adeo se humiliaverit; quando ne mandatorum quidem Divinorum subditum de jure, sed Dominum eum Patre esse asseveravit & tantum ut scandalum non præbendo hominibus, hominum salutem operaretur merereturque, legibus tum de Ecclesia, tum de Politia a Patre latis subjectum esse docuit. De natura Divina, secundam quam ac æterno a Patre genitus est, hoc minus mirum est. Mirum magis nostræ videtur infirmitati, quod de carne quoque, quæ in tempore demum assumpta, & secundum quam filius factus est, idem tamen credi voluit. Caro namque fuit, a qua census & sclus exigebatur, & cujus libertatem Dominus Petro proposuit. Natura itaque illa, quæ extra personam Filii Dei serva est, in persona Filii Dei summam libertatem possidet, etiam quando ea non utitur. Et in natura eadem Filius Dei salutem nostram merendo operatus est, non tantum quando pro hominibus pas-

sus,

sus, sed etiam quando Patris sui mandatis obedivit. Assumerat enim eam, ut in ea humilis esse posset, non quo in ea humilis esse cogeretur. Et licet hic homo quando naturæ suæ originem considerat, non possit non se Deo in feriores agnoscere: quando tamen personæ, in quam assumpta humilis natura est, sublimitatem cogitat, non potest non de jure cum Deo æqualitatem sibi vindicare, ne personæ iniuriam inferat. Vide III. *Omnium hominum debitum*. Salvator quando se jure, quod ut Filius Dei habet, exinanivit, obligatum statim se agnoscit, ut & solum in Templo, & censum Cæsari solvat, nec quenkumque non solvendo scandalizet. Ergo si hominem inveneris, qui Filius Dei naturalis non est, obligatum eum divinis humanisve legibus credere. Si namque, qui Filius Dei est, quando jus filiationis quodammodo se perdidit, Deo hominibusque potestatem habentibus obediens esse debeat, & revera subesse & obedire potuerit: quanto magis qui nullo gaudet jure filiationis, per naturam & personam obedire & subesse cogitur. Tunc ergo, Papa Romane, non tetantum ipsum, sed & clericos tuos a Magistratibus & ipso Romano Imperatore liberos faciens, & jus Divinum jactitabis? Sane hoc ipso te Antichristum esse ostendis. Sed audio vociferantem *Maldonatum* tuum, *Inepti hic heretici sunt, qui Romani pontificis primatum refellunt, & Ecclesia immunitatem tollunt, quod Petrus tributum solverit. Nam istac quidem ratione nec Christus quidem Ecclesia caput esset: solvit enim tributum. At solvit, cum non debebat. Et non considerant, Petrum nunc si inter Christianos Reges in vivis esset, ecclesiamque gubernaret, soluturum non fuisse. Qui idem, Petrum non debuisse tributum, hoc modo docuit; Videtur mihi Christus significare voluisse, ne se, nec discipulos suos tributum debuisset: se quia filius Dei erat: discipulos suos, quia ipsius familiares & domestici censebantur. Et non solum Regum filii, sed eorum etiam domestici a tributis liberi sunt. Ita ille: sed clamor est. Concedamus, Petrum, omnesque Apostolos domesticos Filii Dei fuisse. Atqui non magis Filii Dei, quam ipsius Petrus cœlestis domestici erant. Ipse in primis Filius Dei Patris sui domesticus erat omnium dilectissimus; & magis, quam Apostoli erant Filii. Quare ergo non argumentatus est Dominus?*

Reges



Reges terræ a quibus tribut  
ne, an ab extraneis? Ita ma  
ostendere potuisset. Sed h  
tatem de jure neminem hab  
Itaque de jure divino Petrus  
& si inter Christianos Reges  
rus esset. Si ad privilegium  
dum est postea supervenisse  
Sin doceri non potest, ut n  
De primatu Papæ hic disputa  
Constitutiones Ecclesiæ dat  
validioribus admotis ariet  
*Antenias* hic non in firmo st  
omnes subjicit, imo seipsum  
voluntario exinaniverit. N  
nomen, qui Magistratus a  
mnunt, pedibusque conculo  
patisticas & his affines secta  
gustana nostra Confessio pr  
dem adhuc condemnamus.  
ctionis Magistratui debitæ d  
eximeret. Ubi neminem j  
cum de eo solo, qui Filius ge  
Equidem non negamus fieri  
rum etiam adoptivi Filii a tri  
modi adoptio nihil aliud est  
Simile Deus privilegium co  
sed concessisse, nusquam legi  
us, non concessisse, Domin  
solum in natura & generatio  
urgendo privilegia non agno  
atque altero puncto plura a  
re, & gratias agere debin  
cto, cui sit laus, hono  
cul

tributa & censum accipiunt ? a domesticis  
Ita manifeste & se & discipulos suos liberos  
Sed hoc non fecit, quia scivit, istam liberem  
habere posse, nisi qui Filius naturalis est.  
Petrus omnesque discipuli obligati erant ;  
Reges hodie Petrus in vivis esset, debitum  
legium gratiæ confugietur : id nobis proban-  
venisse, cum hoc tempore nullum fuerit.  
est, ut non potest : ius urgebit perpetuum.  
disputatur, quatenus se supra Magistratus &  
lesæ datas factasque extollit : quod cætera,  
tis arietibus dejicitur. IV. *Magistratus* vero  
firmo stabilitur fulcro. Nam huic Christus  
seipsum, ubi usus juris, quod filiatio dat, se-  
verit. Non itaque Christianorum merentur  
Magistratus auctoritatem non agnoscunt, conte-  
conculcant. Cujusmodi novimus esse Ana-  
ines sectas : quarum furorm rectissime Au-  
fessio pridem condemnavit, & nos cum ea  
namus. Neminem exceptum a jure subje-  
debitæ docuit Dominus, nisi quem jus Filii  
minem juvat, quod Filius Dei adoptione est,  
i Filius generatione est, Dominus locutus sit,  
nus fieri posse, ut in terris Regum terreno-  
Filii a tributis censuque liberi sint : sed ejus-  
aliud est, quam privilegium, non jus naturæ.  
gium concedere posset Filiis suis adoptivis :  
piam legitur, nec probari potest. Quin poti-  
Dominus nostra historia docuit, quando jus  
generatione fundatum urfit, atque hoc solum  
non agnovit. Possemus de scandalo, unoque  
o plura addere, nisi tempus esset hic subsiste-  
ere debitas Deo Patri, Filio, Spiritui San-  
aus, honor & gloria in seculorum se-  
cula. Amen.

F I N I S.

Reges terræ a quibus tribut  
ne, an ab extraneis? Ita ma  
ostendere potuisset. Sed h  
tatem de jure neminem hab  
Itaque de jure divino Petrus  
& si inter Christianos Reges  
rus esset. Si ad privilegium  
dum est postea supervenisse  
Sin doceri non potest, ut  
De primatu Papæ hic disputa  
Constitutiones Ecclesiæ dat  
validioribus admotis ariet  
*Autonias* hic non in firmo st  
omnes subjicit, imo seipsum  
voluntario exinaniverit. M  
nomen, qui Magistratus a  
mnunt, pedibusque conculo  
patisticas & his affines secta  
gustana nostra Confessio pr  
dem adhuc condemnamus.  
ctionis Magistratui debitæ d  
eximeret. Ubi neminem j  
cum de eo solo, qui Filius ge  
Equidem non negamus fieri  
rum etiam adoptivi Filii a tri  
modi adoptio nihil aliud est  
Simile Deus privilegium co  
sed concessisse, nuspiam leg  
us, non concessisse, Domin  
solum in natura & generatio  
urgendo privilegia non agno  
atque altero puncto plura a  
re, & gratias agere debi  
cto, cui sit laus, hon  
cu

tributa & censum accipiunt? a domesticis  
Ita manifeste & se & discipulos suos liberos  
Sed hoc non fecit, quia scivit, istam liber-  
em habere posse, nisi qui Filius naturalis est.  
Petrus omnesque discipuli obligati erant;  
Reges hodie Petrus in vivis esset, debitu-  
legium gratiæ confugietur: id nobis proban-  
ervenisse, cum hoc tempore nullum fuerit.  
est, ut non potest: ius urgebit perpetuum.  
c disputatur, quatenus se supra Magistratus &  
lesiæ datas factasque extollit: quod cætera,  
tis arietibus dejicitur. IV. *Magistratus* vero  
firmo stabilitur fulcro. Nam huic Christus  
seipsum, ubi usus juris, quod filiatio dat, se-  
verit. Non itaque Christianorum merentur  
stratus auctoritatem non agnoscunt, conte-  
e conculcant. Cujusmodi novimus esse Ana-  
ines sectas: quarum furorm rectissime Au-  
fessio pridem condemnavit, & nos cum ea  
namus. Neminem exceptum a jure subje-  
debitæ docuit Dominus, nisi quem jus Filii  
minem juvat, quod Filius Dei adoptione est,  
i Filius generatione est, Dominus locutus sit.  
mus fieri posse, ut in terris Regum terreno-  
Filii a tributis censuque liberi sint: sed ejus-  
aliud est, quam privilegium, non jus naturæ.  
gium concedere posset Filiis suis adoptivis:  
piam legitur, nec probari potest. Quin poti-  
, Dominus nostra historia docuit, quando jus  
generatione fundatum urfit, atque hoc solum  
non agnovit. Possemus de scandalo, unoque  
co plura addere, nisi tempus esset hic subiste-  
ere debitas Deo Patri, Filio, Spiritui San-  
aus, honor & gloria in seculorum se-  
cula. Amen.